

El Apocalipsis

Juan ĩ cãiroju Jesucristo ĩ gotire gaye

¹ Adi papera tuti ija yoari mejeti rētaroti gaye go-tia. Iti oca Jesucristo ĩ masiroca Dios ĩ yire ña. Ito bajiro yiñi Dios, mani Jesucristore moa ĩsirã, “Ito bajiro rētaroyiroja”, mani yi tũoĩa masitoni. Yũ ña Juan adi papera ucagũ. “Ado bajiro bajia yireoni ña mũ canibetoti cãiri bajiro mũre godo weore”, yũre yi gotirocũ ángel yũ tũ cõañi Jesucristo. ² Yũ tigure, yũ tũogore cũni riojo uca yũ adire. Iti ña Dios oca yũ masiroca Jesucristo ĩ yire.

³ Noa adi papera tuti tirãti wanũrã yirãji. Adi oca ija rētaroti gaye tũocõri, wanũrã yirãji. Dios oca ña iti. Iti gaye oca rētaroti cõña wajũ. Ito bajiri noa adi ucare gaye tũorãñũrã, wanũ quenarã yirãji.

Jũã ãmojeno masa Jesure tũorãñũrãre Juan ĩ ucare gaye

⁴ Yũ Juan adi papera mũare cõa yũ. Mũã ña Asia sitajũ jũã ãmojeno cõturi gãna Jesucristore tũorãñũrã. Queno yijaro Dios mũare. Ito yicõri mũã ya ỹsijũ sajari oca cõtiroca yijaro Dios. Dios ñami iti rũmũ gagũ, adocãta gagũ, ito yicõri ija ñatĩñarocũ. Ija adi sitajũ tũdi ejagũ yiguĩji ĩ. Dios ĩ rotiri cumuro riojo ñaguĩji Espĩritu Santo. Jũã ãmojeno ỹsi cõtiguũ ñari jeyaro masigũ ñami. ĩna sũoriti mũare queno yijaro Dios. ⁵ Jesucristo cũni mũare queno yijaro. ĩ ñami ĩ tigure riojo gotigũ. Ito yicõri ĩ ñami godabojagũti mũcana tũdi catitĩñarocũ. Gãjerãma ĩ riojũã godabojarãti tũdi

catitĩnare gaye boca ãmibisijarã ĩna. ĩ ñami adi sita gãna ñjarãre roti masigũ. Manire ti maigũ ñami Cristo. Ito bajiri godacõri ĩ ya rĩna mani ñeñaro yirisere waja yi ĩsiñi ĩ. ⁶ Mani ĩre tũorũnũrãre Dios ñarã mani ñaroca yiñi Cristo. Ito yicõri paia robo ĩ Jacũ Diore mani moa ĩsiroca yiñi Cristo. ĩre rũcũbũotĩnarũja manire. ĩ ñami rẽtoro roti masigũ. Ito bajiroti ñatĩñajaro ĩ.

⁷ Ide bueri rãca wadigũ yiguĩji Cristo. Ito bajiri masa jeyaro ĩre ti jedirã yirãji. Ito yicõri ĩre cami meniana cãni tirã yirãji ĩre. ĩre ticõri jeyaro adi sita gãna otirã yirãji. Ito bajiroti bajiro yiroja, ya yũ mũare.

⁸ Rẽtoro sẽogũ ñami mani Ujũ Dios. Ado bajiro gotiami. Tũote mũa: “A wame ñasũorise, ito yicõri Z wame ñasũsarise robo bajiro bajigũ ña yũ. Yũ ña ñatĩñagũ. Yũna sũoriti jeyaro ñasũoyija. Ito yicõri yũna sũoriti jeyaro ñasũsaro yiroja”, yi gotiami Dios. ĩ ñami iti rũmũ gagũ, adocãta gagũ, ito yicõri ija ñatĩñarocũ. Ija adi sitajũ tũdi ejagũ yiguĩji ĩ.

ĩ cãirojũ Juan ĩ tire gaye

⁹ Yũ Juan, mũa rãca Jesucristore masigũ ña yũ cãni. Ito bajiri sĩgũ rĩa bajiro bajirã ña mani. Mũare bajiroti tũbũja yũ cãni. Masa mũare ĩna ti tudiro bajiroti ti tudiana yũre cãni. Manire ito bajiro ĩna yibojarocati mani ñemecũtiroca yami Jesucristo. Ito bajiri co rũmũ Dios ĩ rotirojũ mũa rãca wanũgũ yigũja yũ cãni. Patmos wame cãtiri yogajũ coji tubia ecocũ yũ. Dios oca yũ riasojare ito yicõri Jesucristo gaye yũ bũsijare yũre tubiacã ĩna. ¹⁰ Tujacãra rũmũ Diore yũ rũcũbũo ñaroca yũ canibetoti cãiri bajiro yũre iti godo weoroca yiquĩ

Espíritu Santo. Y ɲadojɲa oca sēorise iti ruyuja, tɲOCɲ yɲ. Trompeta jutiado bajiro ruyucɲ. ¹¹ Ado bajiro ruyucɲ iti:

—Adocāta mɲ tirise papera tutijɲ ucaya. Iti ucacōri Asia sita gāna Cristore tɲorɲnɲrāre cōama. Īna ñama jɲa āmojeno cɲtori gāna. Ado bajiro wame cɲtia Īna cɲtori: Efeso, Esmirna, Pérgamo, Tiatira, Sardis, Filadelfia ito yicōri Laodicea wame cɲtiri cɲtori ña Īna cɲtori, yire oca ruyucɲ yɲ tɲoja.

¹² “¿Ñimɲ yɲre bɲsiati?” yirocɲ jɲda rɲgɲcɲ yɲ, ĩre tirocɲ. Jɲda tigɲɲ jɲa āmojeno jeobusuora tuturi ticɲ yɲ. Orona Īna menira tuturi ñacɲ iti. ¹³ Iti jeobusuora tuturi wato sīgū ũmɲgū ticɲ yɲ. Masa Rĭjorɲ robo bajiro bajigɲ ñaquĭ ĩ yɲ tija. Coro yutabuju yoaro ĩ ya gɲbo tĭgājɲ sɲsaro sãñaquĭ ĩ. ĩ ya wēñura wirowo oro gaye ñacɲ. ĩ ya ɲsi riojocō eyari wirowo ñacɲ iti wirowo. ¹⁴ ĩ ya rijoga joa botirise ñacɲ. Oveja joa robo bajiro, ito yicōri ide buerise robo bajiro boti ruyucɲ. ĩ ya cajeari jea ũjɲrise robo bajiro bajicɲ. ¹⁵ ĩ ya gɲbori bɲto yocɲ. Bronce wame cɲtirise robo bajiro jeamejɲ soecōri Īna gosioado bajiro yocɲ iti. ĩ bɲsija riaca bɲto ũmayurisa robo bajiro ruyucɲ. ¹⁶ ĩ ya āmo riojocadɲja jɲa āmojeno ñocōa rɲcoquĭ ĩ. ĩ ya risejɲ sarera jāi, jɲa dɲja odiri jāi budicɲ. ĩ ya rio ũmacañi queno ĩ asiro robo bajiro yo ruyucɲ.

¹⁷ ĩre ticōri ĩ tɲ cō quedicɲ yɲ. Ito bajiro yɲ bajibojarocati ĩ ya āmo riojocadɲja yɲre moa jeoquĭ. Ito yicōri ado bajiro yɲre yiquĭ ĩ:

—Güibesa. Yɲ ña ñatĭñagū. Yɲna sɲoriti jeyaro ñasɲoyija. Ito yicōri yɲna sɲoriti jeyaro ñasɲaro

yiroja. ¹⁸ Y_u ña catitĩñagũ. Godabojaguti t_udi catic_u y_u. M_ucana j_uaji godare ma y_ure. Godarãre m_ucana t_udi ñna catiroca yi masigũ ña y_u. Godari masa ñna ñaroju jana sãjado rucogu ña y_u. Ito bajiri jeame ñjuroju waboanare maso masia y_u, yiquĩ Masa Rĩjoru y_u cãiroju.

¹⁹ M_ucana gaje ado bajiro gotiquĩ ñ:

—Adocãta m_u tirise ucaya. Adocãta gaye, ija ñaroti gaye c_uni ucaya. ²⁰ Y_u ya riojocad_uja j_ua ãmojeno ñocõa m_u tirã ado bajiro yireoni ña. Ñna ñama j_ua ãmojeno c_utori gãna y_ure t_uorũnrãre ñmatã ñarã. J_ua ãmojeno jeobusuora tuturi m_u tirise ado bajiro yireoni ña. Ñna ñama j_ua ãmojeno c_utori gãna y_ure t_uorũnrã, yiquĩ y_u cãiroju y_ure goaĩocac_u.

2

Efeso gãnare oca cõare gaye

¹ M_ucana y_u cãiroju ado bajiro gotiquĩ:

—Efeso gãna Diore t_uorũnrãre ñmatã ñagũre ado bajiro ucaya: “J_ua ãmojeno jeobusuora tuturi wato ñagũ, ñ ya ãmo riojocad_uja j_ua ãmojeno ñocõa rucogu ñ b_usire gotiroc_u adi m_uare uca y_u. Ado bajiro m_uare gotiami ñ: ² Jeyaro m_ua yirise masia y_u. Josari m_ua moarisere masia y_u. Ûsirioro yimena ña m_ua. Ñeñaro yirãre ti wan_ubea m_ua. ‘G_ua ña Jesucristo ñ oca gotitoni ñ c_uana’, yibojarãre, ti masiana ña m_ua. ‘Riti Jesús ñ c_uana meje ñama. Socari masa ñama’, yi ti masirã ña m_ua ñja. ³ Y_ure t_uoĩarã, tujare mejeti moayija m_ua. Y_ure m_ua t_uorũn_uja ticõri, m_ua tõb_ujaroca yama gãjerã. ‘Y_u tõb_ujaja c_uni, Jesucristore jidicãbic_uja y_u’, yi t_uoĩarã ña m_ua, yi

tuoĩa masia yu muare. ⁴ Ito bajibojarocati muare queno ti wanubea yu maji. Cajero yure masisuořa mua maicato bajiro yure maibea mua ĩja. ⁵ Ito bajiri yure mua masisuořatire tũdi tuoĩacõri, ñeñaro mua yirise jidicãña. Cajero yure mua cũdicato bajiroti yiya mucana. Ito bajiro mua yibeja yoari mejeti muare waja senigũ ejagu yiguja yu. Ñeñaro mua yirisere mua jidicãbeja mua ya jeobusuora tutu ěmagũ yiguja yu. ⁶ Coji gaye queno ya mua yu tija. Nicolaĩtas cuto gãna ñeñaro ĩna yirisere ti tea mua. Yu cuni ĩna ñeñaro yirisere ti tea. ⁷ No gãmo goje catirã tuoya. Diore tuorũnũrãre ado bajiro gotiami Espĩritu Santo: ‘Noa ĩna ñeñaro yirisere jidicãrã ĩna ñama rũmũa ujure rētocũrã. Ito bajiri catitĩnaragu rica ĩnare ecagu yiguja yu. Dios ya wese quenari wese gudareco ñaroja itigu’, yi gotiami Espĩritu Santo”, yi ucaya mu, yi gotiquĩ yu cãiroju yure goaĩocacu.

Esmirna gãnare oca cõare gaye

⁸ Gaje ado bajiro gotiquĩ yure yu cãiroju:

—Esmirna gãna Diore tuorũnũrãre ũmatã ñagũre ado bajiro ucaya: “Ñasuořu, ñasusagu, ito yicõri godabojaguti mucana tũdi catiru ĩ busire gotirocu adi muare uca yu. Ado bajiro muare gotiami: ⁹ Ñajediro muare rētarise masia yu. ‘Yure mua tuorũnũja ticõri, mua tõbũjaroca yama gãjerã’, yi tuoĩa masia yu muare. Bojoro mua bũjaja, ti masia yu. Ito bajibojarãti Dios gayere queno masirã ña mua. Ito bajiri queno rucorã ña mua. Ñe ruyabea muare. ‘Judio masa, Dios rĩa ña gua’, yibojarãre, muare ĩna busituja tuoia yu. Dios rĩa meje ñama ĩna. Rũmũa uju, Satanás rĩa ñama ĩna, ya

yɯ. ¹⁰ Mɯa tōbɯjaroti gayere tɯoĩa gũibesɛ. Mɯa rãca ñagũ yigɯja yɯ. Mɯare ɯsirio codegɯ yiguĩji rũmúa ɯɯ. ‘Diore ñna jidicãja ticɯja yɯ’, yirocɯ ado bajiro mɯare ɯsirio codegɯ yiguĩji ĩ. Mɯa coriarãre gãjerã ñna tubiaroca yigɯ yiguĩji ĩ. Ito bajiri jɯa dɯjamocō ãmɯari tōbɯjarã yirãji mɯa. Mɯa godarã wana yija cɯni, yɯre jidicãbeja. Ito mɯa yija, catitĩñare mɯare ĩsigũ yigɯja yɯ iti waja. ¹¹ No gãmo goje cɯtirã tɯoya. Diore tɯorũnɯrãre ado bajiro gotiami Espiritu Santo: ‘Noa ñna ñeñaro yirise jidicãrã ñna ñama rũmúa ɯjɯre rētocũrã. Ito bajiri jeame ɯjɯroju tōbɯja godamena yirãji ñna’, yi gotiami Espiritu Santo mɯare”, yi ucaya, yiquĩ yɯre yɯ cãiroju.

Pérgamo gãnare oca cõare gaye

¹² Gaje mɯcana ado bajiro gotiquĩ ĩ yɯ cãiroju:

—Pérgamo gãna Diore tɯorũnɯrãre ũmatã ñagũre ado bajiro ucaya: “Sarera jãi jɯa dɯja odiri jãi rɯcogɯ, ĩ busire gotirocɯ adi mɯare uca yɯ: ¹³ Jeyaro mɯa yirise masia yɯ. Rũmúa ɯjɯ Satanás ĩ rotiri cɯtoju ñaboja mɯa. ĩ rotibojarocati ĩre tɯorũnɯbea mɯa. Yɯre tɯorũnɯrã ñari, yɯre tɯorũnɯ jidicãrã meje ña mɯa. Ito gãna Satanásre cɯdirã ñari, Antipas wame cɯtigɯre sĩañi ñna. ĩ ñabojaquĩ, ‘Diore mani tɯorũnɯja quena’, yɯre yi ejabɯbojacacɯ. ĩre ñna sĩaja bero ñabojarocati yɯre tɯorũnɯ jidicãbea mɯa’, ya yɯ mɯare. ¹⁴ Ito bajibojarocati mɯare queno ti wanɯbea yɯ maji. Mɯa Pérgamo gãna coriarã, Balaam ĩ riasorisere jidicã ãmobeɛ mɯa. ĩ ñami Balacre ado bajiro riasorɯ: ‘ĩnamasi meni rujeoanare bare ecabojare gaye mɯa Israel sita gãna baja quena. Gãjerã romia rãca mɯa

aje ñaja quena ña', yi riasoñi Balaam. 'Mua wato coriarã ñama ñ riasorisere jidicã ãmomena', yi tuoña yu mware. ¹⁵ Mua wato coriarã ñama Nicolaítas cuto gãna ñeñaro ñna riasorisere jidicã ãmomena. Ñna riasorisere bato ti tea yu. ¹⁶ Ito bajiri mua ñeñaro yirise jidicãña. Mua ñeñaro yirise mua jidicãbeja mware waja senigũ yigũja yu. Ito yicõri yoari mejeti yu ya riseju ñari jã sarera jãina quenabeto mua tãbujaroca yigu yigũja yu. ¹⁷ No gãmo goje cutirã tuoja. Diore tuorũnarãre ado bajiro gotiami Espiritu Santo: 'Noa ñna ñeñaro yirisere jidicãrã ñna ñama rãmua ujure rãtocũrã. Ito bajiro yirãre maná wame cutirise bare ñnare ecagu yigũja yu. Iti ñna ãmacãju gaye tiyamani bare. Gaje gũtagã botirica ñnare ñsigũ yigũja yu. Itiga gũtagãju mame ucare wãñaro yiroja. Itiga gũtagãre boca ãmirã riti itiga wãñarise masirã yirãji', yi gotiami Espiritu Santo", yi ucaya mu, yi gotiqui yu cãiroju yure goaïocacu.

Tiatira gãnare oca cõare gaye

¹⁸ Gaje mwcana ado bajiro gotiqui yu cãiroju:

—Tiatira gãna Diore tuorũnarãre ãmatã ñagũre ado bajiro ucaya: "Dios Macu ñ ya cajeari jea ãjũrise robo bajiro bajigu, ito yicõri bronca wame cutirise bato yorise robo bajiro gũbo cutigu ado bajiro mware gotiami: ¹⁹ Jeyaro mua yirisere masia yu. 'Masare ti mairã ñama ñna', yi tuoña yu mware. 'Yure tuorũnarã ñama ñna', yi tuoña yu mware. Gãjerãre yiari mua ejabũarise queno masia yu. Yure mua tuorũnũja ticõri, mua tãbujaroca yama gãjerã. Ito bajiro ñna yibojarocati yure tuorũnũtĩñacõa mua. 'Cajero yure ñna masiucato

rētoro queno ejab_uama', ya y_u m_uare. ²⁰ Ito bajibojarocati m_uare queno ti wan_ubea y_u maji. M_ua t_u gago Jezabel wame cutigo ñeñaro iso busija ticōa m_ua. Ado bajiro r_uore oca busiamo iso: 'Diore yiari busia y_u. Gājerā romia rāca m_ua aje ñaja, no yibea. Masa ñnamasiti meni rujeoanare bare ñna ecare m_ua baja, no yibea', yire oca goti r_uoamo iso. Ito bajiro iso yija t_uocōri, y_ure moa ñsiri masa t_uo wisama ñja. ²¹ Ñeñaro iso yirise jidicājaro yiroc_u, yoari yubojaja y_u. Ito bajibojarocati jidicā ãmobeamo iso. Őm_ua rāca ñeñaro iso yirise c_uni jidicā ãmobeamo iso. ²² Ito bajiro iso yijare iso cō cūñaroca yig_u yig_uja y_u. Iso rāca aje ñarāre c_uni ñna cōroca yig_u yig_uja y_u. ñna robo bajiro yi _uyacōri itire m_ua jidicābeja, m_uare c_uni m_ua tōb_ujaroca yic_uja y_u. ²³ Iso rīare sīag_u yig_uja y_u. Ito bajiro y_u yija ticōri, y_u masirisere tirā yirāji m_ua. 'Mani t_uoīarise, mani ya _usij_una mani yi ãmorise c_uni ti masi jeoami Dios. Ito yicōri mani ñeñaro yiro bajiroti manire waja senig_u yiguīji', yi t_uoīa masirā yirāji m_ua ñja. ²⁴ M_ua Tiatira gāna jājarā ña iso riasorisere t_uor_un_umena. 'Adi ña Satanás oca ñasarise, gājerā ñna t_uoīabiti ña iti', ñna yibojaja c_uni itire t_uor_un_ubea m_ua. Ito bajiri, 'Diore queno t_uor_un_urā ñama ñna', yicōri m_uare josabic_uja y_u ñja. ²⁵ Ado bajiro riti m_uare rotia y_u. Y_u m_uare busirisere t_uoīa jidicābeja. Y_u ejarocōj_uti itire t_uoīa jidicābeja. ²⁶ ñna ñeñaro yirisere jidicārā ñna ñama rām_ua _uj_ure rētocūrā. Noa s_usarij_u y_u ãmoro bajiro yi jidicāmena gājerāre ñna roti masiroca yig_u yig_uja y_u. ²⁷ Y_u roti masiroca y_u Jac_u y_ure ñ y_uiado bajiroti m_uare yig_u yig_uja y_u. Ito bajiri Dios ñ cūana ñari

sëoro rotirã yirãji mña. Ito yicõri come mana riri soturi jawado robo bajiro cudimenare ruyuriorã yirãji mña. ²⁸ Mñare busuri ñocõagã ïsigũ yigũja yu. ²⁹ No gãmo goje cutirã tũoya. Adi ña Diore tũorũnrãre Espiritu Santo ï gotire”, yi ucaya mñ, yiqũ yu cãiroju yũre goaõocasũ.

3

Sardis gãnare oca cõare gaye

¹ Gaje ado bajiro gotiquĩ yu cãiroju:

—Sardis gãna Diore tũorũnrãre ũmatã ñagũre ado bajiro ucaya: “Juã ãmojeno usi cutigu, ito yicõri juã ãmojeno ñocõa rucogu ado bajiro gotiami: Jeyaro mña yirise masia yu. ‘Diore queno cudirã ñama’, yi tũoĩabojama gãjerã mñare. Yũama godacãna robo bajiro mñare tia. Yũre queno cudirã meje ña mña. ² Yu tija yu ocare mña cudibeja, godana robo bajiro bajirã ña mña. Canirã robo bajiro bajirã ña mña. Yujiya mña. Yu tija yũre tũorũnu jidicãrã ya mña. Ito bajiri, ïre jidicãme yirona, bũto bũsa yũre tũorũnũña. Yu tija, Dios ï ãmoro bajiro queno yisabea mña. ³ Cajero mña riasotigore mncana tũdi tũoĩañã mña. Itire tũorũncõri, mña ñeñaro yirise jidicãña. Ito bajiro mña yibeja, riniri masu robo bajiro, ‘Itocõ ejagu yiguĩji’, mña yi masibeto, mña tu ejagu yigũja yu. Ito yicõri mñare waja senigũ yigũja yu. ⁴ Mña Sardis gãna coriarã bũto ñeñarise yibeã mña. Ito bajiri mña ya yutabujuri ueri wõña mana robo bajiro bajia mña. Ito bajiri mñare waja yigu yutabuju botirise sãñarã yu rãca mña ñaroca yigu yigũja yu. ⁵ Noa ña ñeñaro yirisere jidicãrã ña ñama rũmũa ujuere rãtocũrã. Ito bajiro

yirãre yutabuju botirise ñna sãñaroca yigũ yigũja yũ. ‘Adocõ ñama catitiñãre rũcorona’, yire gaye papera tuti ñna wame coebicũ yigũja yũ. Ito yicõri yũ Jacũ ï tiro riojo, ‘Ãna ñama yũ ñarã’, yigũ yigũja yũ. Ángel mesa tiro riojo cuni ito bajiroti yigũ yigũja yũ. ⁶ No gãmo goje catirã tũoya. Adi ña Diore tũorũnrãre Espiritu Santo ï gotire”, yĩ ucaya, yiquĩ yũre yũ cãirojũ.

Filadelfia gãnare oca cõare gaye

⁷ Gaje ado bajiro gotiquĩ yũ cãirojũ:

—Filadelfia gãna Diore tũorũnrãre ũmatã ñagũre ado bajiro ucaya: “Ado bajiro gotiami ñeñaro yĩabicũ, ito yicõri riojo gotigũ. Ï ñami David ñayorũ ujũ robo bajiro roti masigũ. Bũto roti masigũ ï ñajare soje ï janaja, ñimujũa gãji bia masibiquĩji. Soje ï biaja cuni, ñimujũa gãji iti sojere jana masibiquĩji. Ado bajiro gotiami: ⁸ Jeyaro mũa yirise masia yũ. Queno sẽorã meje ña mũa. Ito bajibojarocati yũ ocare queno cudiã amoboja mũa. Ito yicõri, ‘Jesure masibea gã’, yibea mũa. ‘Jesure tũorũnrã ña gã’, ya mũa. Ito bajiro mũa yijare, queno mũare ejabũagũ yigũja yũ. Mũare yĩari soje jana ïsicũ yũ. Ñimujũa iti sojere biabiquĩji. ⁹ Ado bajiro yũ busirise queno tũoya. Mũa wato coriarã ñama rũmũa ujũ Satanásre tũorũnũ suyará. ‘Judio masa ña gã. Dios ñarã ña gã’, yibojama ñna. Bajibea, rũmũa ujũ ñarã ñama ñna. Mũa riojo ñna ya rijomunigãna ñini rũjũ rotigũ yigũja yũ. ‘Ïna ñama Dios ï mairã’, mũare ñna yiroca yigũ yigũja yũ. ¹⁰ ‘Yũre mũa tũorũnũja ticõri, mũa tũbũjaroca gãjerã yibojarocati yũre tũorũnũtĩñacõa mũa’, yũ rotiado bajiroti queno cudiã mũa. Co rũmũ ejaro

yiroja adi sita gāna ñna tōbujaroti r̄m̄m̄. Gājerāre ʉsirioro yimenati yare cʉdirā m̄m̄a ñajare, iti r̄m̄m̄ iti ejaroca m̄m̄are codeḡu yiḡuja ȳm̄. ¹¹ Masima, yoari mejeti ejaḡu yiḡuja ȳm̄. Yare m̄m̄a cʉdirise t̄oĩa jidicābeja. Ito bajiro m̄m̄a yija, ñim̄uj̄m̄a m̄m̄a m̄m̄ja waroto camota masibiqūji. ¹² No ñna ñeñaro yirise jidicārã ñna ñama r̄m̄m̄a ʉj̄m̄re r̄etocūrã. Ȳm̄ Jac̄u Dios ya wi ñna ñatĩñaroca yiḡu yiḡuja ȳm̄. Ī ya wi botari b̄tirise robo bajiro ñatĩñarã yirãji ñna. ʉdia wame ñnare wame wōḡũ yiḡuja ȳm̄, ñna ñajedirore. Ado bajiro wame yic̄uja ȳm̄: Ȳm̄ Jac̄u Dios wame, ĩ c̄to wame, ito yic̄ori ȳm̄ wame mame ñaroti wōḡũ yiḡuja ȳm̄ ñnare. Ȳm̄ Jac̄u ĩ ñaro, mame Jerusalén wame c̄tiri c̄to ñaro yiroja. Iti c̄to ũmac̄uj̄na ruji wadic̄ori, ejaro yiroja. ¹³ No gāmo goje c̄tirã t̄ooya. Adi ña Diore t̄or̄ñn̄r̄re Esp̄iritu Santo ĩ gotire”, ȳi ucaya, yiquĩ ȳm̄re ȳm̄ c̄airoj̄m̄.

Laodicea gānare oca cōare gaye

¹⁴ Gaje ado bajiro yare gotiquĩ ȳm̄ c̄airoj̄m̄:

—Laodicea gāna Diore t̄or̄ñn̄r̄re ũmatã ñaḡure ado bajiro ucaya: “Diore queno goti ejab̄ʉsotiḡu, ito yic̄ori riojo gotiḡuna s̄or̄iti jeyaro rujeoñi Dios. Ado bajiro gotiami m̄m̄are: ¹⁵ Jeyaro m̄m̄a yirise masia ȳm̄. Ȳm̄ rotirise queno c̄di āmobeja m̄m̄a. ‘Ȳm̄ āmorocō c̄dic̄uja ȳm̄ama’, ȳi t̄oĩa m̄m̄a. Yare ti tebitibojarãti yare queno t̄or̄ñn̄sabeja m̄m̄a. Ito bajiri yare queno t̄or̄ñn̄re āmoa ȳm̄. M̄m̄a queno yare t̄or̄ñn̄ āmosabeja, yare m̄m̄a jidic̄aja quena. ¹⁶ Yare t̄or̄ñn̄mena ñari m̄m̄a āmoro bajiro riti c̄disotia m̄m̄a. Ide asirise, ide ʉsarise bajiro bajirã meje ña m̄m̄a. Ide asis̄oriseacã bajiro bajirã ña m̄m̄a. Ito bajiro m̄m̄a bajirã ñajare, ide asis̄oriseacã

maño bategu robo bajiro mware bucõagũ yigujaja yu. ¹⁷ ‘Gajeoni jairã ña gna. Gna ãmorise ñajediro, dise ruyabeto rucõa gna’, yiboja mwa. Queno itire ti masibeas mwa. Yu tija yure cudimena ñari ado bajiro bajirã ña mwa. Vojoro bjarã, ñe rucõmena, tõiã oca jairã, cajea mana ito yicõri yutabuju mana bajiro bajirã ña mwa. ¹⁸ Ito bajiro mwa bajirã ñajare, ado bajiro mware goti masioa yu. Quenarise yure mwa moa ñsi ãmoja, yure senija quena. Ito bajiro mwa senija tucõri, jaje quenarise mwa yiroca yigu yigujaja yu. Ñenarise mwa jidicã ãmoja, yure senija quena. Ito bajiro mwa senija tucõri, quenarise mwa tõiãroca yigu yigujaja yu. Yu ya oca mwa masi ãmoja yure senija quena. Ito bajiro mwa senija tucõri, yu ocare queno mwa tucõ masiroca yigu yigujaja yu. ¹⁹ No yu mairãre ñnare goti quenoa yu. Ito yicõri no yu mairãre ñna ñenaro yija, ñnare waja senia yu, ñna masitoni. Ito bajiri mwa ñenaro yirisere jidicãcõri, yure queno cudiya ñja. ²⁰ Tiya, soje tu code rügõa yu sãja ãmogũ. No yu oca tucõri soje ñ janaja, sãjagũ yigujaja yu. Sãjacõri ñre baba cutigu yigujaja yu. Ito yicõri ñjua cani yure baba cutigu yiguñji. ²¹ No ñna ñenaro yirisere jidicãrã, ñna ñama rãmãa ujure rëtocũrã. Ito bajiro bajirã mwa ñajare, yu roti rujiro tu yu rãca mwa ñaroca yigu yigujaja yu. Ito bajiro rãmãa ujure rëtocũcõri, yu Jacu rotiro tu rujia yu. ²² No gãmo goje cutirã tucõya. Ito bajiro yami Espiritu Santo, Diore tucõrãnrãre”, yi ucaya, yiqui yu cãiroju yure goãlocas.

4

Ûmacãju Diore rãcãbucõre gaye

¹ Ito yija bero ũmacũjũ soje janacãra soje ticũ yũ. Trompeta jutire oca bajiro yũre bũsisũocacũ mũcana ado bajiro yũre bũsi ruyucuĩ:

—Mũja waya adojuũ. Ija rêtaroti gaye mũre ĩorocũ ya yũ, yire oca ruyucũ yũre.

² Ito bajiro ĩ yirocati Espĩritu Santo ĩ masirisenati ũmacũjũ ejacoacũ yũ. Itojũ ejacõri mũ ya cumuro ticũ yũ. Iti cumurojũ sĩgũ rujiqũ yũ tija. ³ Iti cumurojũ rujicacũ gũta bũto yorise robo bajiro yocũ ĩ ya rio. Jaspe Cornalina wame cõtirise gũta robo bajiro yo ruyucũ ĩ ya rio. ĩ rujiro tũ ide bue bedo ñacũ. Esmeralda wame cõtirise gũta robo bajiro yo ruyucũ iti bedo. ⁴ ĩ rujiro tũ veinticuatro cumurori ruji gãni biacũ ĩ tũ. Iti cumurorijũ veinticuatro ñarã bũcũrã rujicã. Botirise sãñacã ĩna. Ito yicõri oro bedori jesacã ĩna. ⁵ ĩ rujiri cumurojũ bũjo ĩ borea yirise bajiro borea yicũ. Ito yicõri bũjo bũsirise bajiro ruyucũ. ĩ rujiri cumuro riojo juũ ãmojeno jea ãjũricũri ruyucũ. Itire ticõri “Juũ ãmojeno uũi cõtigu ñami Dios”, yi ticũ yũ itire. ⁶ Ujũ ya cumuro riojo itajura ide botirita, queno ide ruyurita ticũ yũ.

Ujũ ya cumuro riojo, iti cumuro juũdojuũ cũni, ri-ojocaduja, gãcoduja cũni tĩãña mana juũariarã ñacã. Jaje cajeari cõticã. ĩna ya rio ñari duja cũni ĩna ya juũdojuũari cũni cajeari cõtirã ñacã ĩna. ⁷ Sĩgũ tiya macũ yai robo bajigu ñaquĩ. Gãji ta wecũ robo bajigu ñaquĩ. Gãji ũmũgũ bajiro rio cõtiquĩ. Sũsagu ga jagũ wũtigũ robo bajiro bajiquĩ. ⁸ ĩna juũariarã tĩãña mana coga ãmojeno caerori caero cõticã. ĩna ya caerorijuũ ũmacũjuagaduja, jacagaduja cũni cajeari cõtirã ñacã ĩna. Uũari, ñamiri cũni Diore rũcũbũorã ado bajiro basatĩñacã ĩna:

Quenagũ ña m̄. Quenagũ ña m̄. Quenagũ ña m̄.
 Jeyaro masigũ ña ḡa Ūj̄m̄ m̄. Muti ñayija
 iti r̄um̄j̄m̄ gaḡm̄. Muti ña adocãta gaḡm̄ c̄ni.
 Muti ña ija ejaroc̄m̄ c̄ni, yì ñacã ña.

⁹ Ūj̄m̄ ya cumuroj̄m̄ rujiḡm̄ r̄uc̄b̄uorã ado bajiro
 yicã ña: “M̄ ña r̄ëtoro r̄uc̄b̄uor̄m̄. M̄ ña r̄ëtoro
 ñasaḡm̄. M̄re r̄uc̄b̄uorã, ‘Queno ya m̄’, ya ḡa
 m̄re”, yicã ña ito rujiḡm̄ catit̄ñaḡm̄. ¹⁰ Coji
 rayabeto ito bajiro ña yiroca veinticuatro ñarã
 b̄uc̄rã ito ñarã, ñ riojo rijomunigãna ñini r̄j̄ũcã ña.
 Catit̄ñaḡm̄ r̄uc̄b̄uorã ito bajiro ñini r̄j̄ũcã ña.
 Ito yic̄ori ña ya jesara bedori ãmic̄ori ñ rujiro riojo
 jidic̄ũcã ña. Ito yic̄ori ñre r̄uc̄b̄uorã ado bajiro yicã:

¹¹ M̄ ña jeyaro rujeor̄m̄. M̄ ãmoro bajiroti m̄
 rujeore jeyaro ña. Ḡa Ūj̄m̄ ña Dios m̄. Masa
 jeyaro m̄re r̄uc̄b̄uore ãmoa ḡa. “Dios
 ñami ñasaḡm̄”, masa jeyaro yì jedire ãmoa
 ḡa. “Dios ñami r̄ëtoro masigũ”, masa m̄re
 ña yire ãmoa ḡa, yicã veinticuatro ñarã
 b̄uc̄rã. Ito bajiro yicã ña Diore r̄uc̄b̄uorã.

5

Papera tunara joti

¹ Ito yija bero ūj̄m̄ ya cumuroj̄m̄ rujiḡm̄ ñ ya ãmo
 riojocad̄m̄ja papera tunara joti ñ r̄ucoja tic̄m̄ ȳm̄. Iti
 joti totij̄m̄, joe c̄ni ucare ñac̄m̄. J̄m̄ ãmojeno s̄obiare
 ñac̄m̄ iti jotij̄m̄. ² Ito bajiroca Dios ñaro gaḡm̄
 ángel queno masigũ tic̄m̄ ȳm̄. Ado bajiro oca s̄ëoro
 seniñaquĩ ñ:

—¿Ñim̄ ñati Dios ñ ti wan̄gũ iti joti s̄obiare ñigã
 ãm̄goc̄ori manire ti ñsigũ? yì seniñabojaquĩ ñ.

³ Ito bajiro ĩ seniĭabojaja, ũmacũju gãna, adi sita gãna, adi sita rocajua gãna cuni sĭgũjuama jana masigũ maniquĩ. Sĭgũ itire ti ĩsigũ maniquĩ. ⁴ Ito bajija ticõri, buto oticũ yũ. Sĭgũ iti janacõri ti ĩsigũ manijare, buto oticũ yũ. ⁵ Yũ otija ticõri, sĭgũ bucũgu ado bajiro gotiquĩ yũre:

—Itocõti otiya ĩja. Adoju tiya. Ado ñami sĭgũ rãmúa ujũre rĕtocũrũ. Judá masa butu gagũ ñami ĩ. Yai sĕogũ bajiro bajigu ñami ĩ. Ito yicõri David ujũ ñayorũ janerãbatia janami ñami ĩ. ĩre queno wanuami Dios. Ito bajiri juã ãmojeno sũobiare ñigã ãmigocõri manire ti ĩsigũ yiguĩji, yiquĩ ĩ yũre.

⁶ Bucũrã wato, tiãña mana wato, ujũ ya cumuro tũju sĭgũ Oveja Macũ bajiro bajigure ticũ yũ. ĩre ĩna sĭagore cami iti ñaja ticũ yũ. Juã ãmojeno saburi ñacu ĩre. Ito yicõri juã ãmojeno cajeari ñacu ĩre. ĩ ya cajeari ticõri, “Juã ãmojeno usi cutigu ñami Espĩritu Santo. ĩ ñami adi sitajũre coju ruyabeto Dios ĩ cõarũ”, yi ticũ yũ ĩre. ⁷ Ito yija yũ tiroca Oveja Macũ, ujũ ya cumuro rujigu ya riojocadũja papera tunara joti ĩ rucorisere ãmiquĩ. ⁸ Oveja Macũ iti jotire ĩ ãmiroca juariarã tiãña mana, ito yicõri veinticuatro ñarã bucũrã cuni ĩ riojo rijomunigãna ñini rũjũcã. ĩna sĭgũ ruyabeto basa meniroti arpa wame cutirise rucocã ĩna. Ito yicõri oro tĕrori rucocã ĩna. Iti tĕroriju soeja queno sũti quenarise sãñacu. Iti sũti quenarise iti bue mũja waja Dios ñarã ĩre ĩna bũsiro robo bajiro bajirise ñacu. ⁹ Ado bajiro basacã ĩna mame basare:

Masa jeyarore masorocũ goda ĩsiyija mũ. Co oca ruyabeto bũsirãre, co cuto gãna ruyabeto, ito yicõri co sita gãnare ruyabeto goda ĩsiyija

mɤ. Dios ñarã masa ñatoni mɤ ya rína waja yicãyija mɤ. Ito bajiri tunara joti ãmicõri suobiare ñigã masigũ ña mɤ.

10 No Diore tuorũnurãre ĩ ñarã ĩna ñaroca yiyija mɤ. Ito yicõri paia robo bajiro Diore ĩna moa ĩsiroca ya mɤ. Ito bajiri adi sita gãnare roti masirã yirãji ĩna, yi basa sãacã ĩna.

11 Ito yija bero jãjarã ángel mesa ĩna busija tuocu yɤ. Cõĩaja jediada manicã. Jãjarã ñacã ĩna. Ujɤ ya cumuro tu jɤariarã tĩñaña mana, veinticuatro ñarã bucrã jɤdojɤajɤ ñacã ángel mesa. 12 Oca sãoro ado bajiro yicã ĩna:

Masa ĩna ñeñaro yirise waja, waja yi ĩsiroca goda ĩsiñi Oveja Macɤ. Ito bajiro bajicõri rãtoro masigũ ñami ĩ. Rãtoro sãogũ, rãtoro roti masigũ, rãtoro rũcɤbuoru, rãtoro jeyaro rucogu, “Rãtoro quenagũ ñami”, masa ĩna yiroca, ñami Oveja Macɤ, yi rũcɤbuocã ángel mesa.

13 Ito yirocati Dios ĩ rujeoana ñarocõti ĩna busija tuocu yɤ. ĩna ñacã ũmacũjɤ gãna ñajediro, adi sita gãna cɤni. Ito yicõri sita wato ñarã, godagoana, ito yicõri ide wato gãna, ñajediro ĩna busirise ruyucɤ. Ujɤ ya cumuro rujigɤre, Oveja Macɤre cɤni rũcɤbuorã ado bajiro busi ruyucã ĩna:

Mɤa ña masa ĩna rũcɤbuorona. Ito bajiri mɤare rũcɤbuotĩñajaro masa. “Mɤa ña rãtoro ñasarã”, yitĩñajaro masa mɤare. “Mɤa ña rãtoro masirã. Mɤa ña rãtoro queno yirã”, yitĩñajaro masa mɤare, yi busi ruyucã ĩna.

14 Ito bajiro ĩna yiroca jɤariarã tĩñaña mana ado bajiro busi ruyucã:

—Ito bajiroti baja, yi busi ruyucã ĩna.

Ito yiroca veinticuatro ñarã bũcarã ɥjɥ ya cumurojɥ rujigũre, Oveja Macɥre cɥni, rũcɥbũorã ñna riojo rijomunigãna ñini rũjũcã ñna.

6

Jɥa ãmojeno sɥobiare gaye

¹ Ito yija Oveja Macɥ papera tunara jotire cajero sɥobiarajɥ ñ ñigãja ticɥ yɥ. Ito yirocati jɥariarã tiñaña mana sīgũ busi ruyucuĩ ñna rãca gagɥ. Ñ busija bũjo busirise robo bajiro ruyucɥ. Ado bajiro yi ruyucuĩ ñ:

—Adojɥa tigɥ waya, yi ruyucuĩ ñ yɥre.

² Ñ ito yijare ti ñucacɥ yɥ. Cabaru botigɥ ñ rãgõja ticɥ yɥ. Ñ joe jesagɥ jatura jãi rũcoquĩ. Jesara bedo ñre ñna jeoja ticɥ yɥ. Ito bajiro ñna yija bero ñ wajanare rêtocũgũ waquĩ ñ.

³ Ito yirocati Oveja Macɥ sɥobiarajɥ gajejɥ ñigãquĩ ñ. Ito yija gãji tiñaña macɥ ñ busija tɥocɥ yɥ:

—Adojɥa tigɥ waya, yi ruyucuĩ ñ cɥni.

⁴ Ito ñ yija cabaru sũagũre ti bũjacɥ yɥ. Ñ joe jesagũre sarera jãi ñna ñsija ticɥ yɥ. Ado bajiro moare ñre cũñi ñna. Masa ñna queno ñabitire gaye, masa ñna gãmeri sñaroti gaye cɥni ñre moare cũñi ñna.

⁵ Ito yija bero mɥcana gajejɥ sɥobiarajɥ ñigãquĩ Oveja Macɥ. Ito yija gãji tiñaña macɥ ñ busija tɥocɥ yɥ:

—Adojɥa tigɥ waya, yi ruyucuĩ ñ cɥni.

Ñ ito yija cabaru ñigũre ti bũjacɥ yɥ. Ñ joe jesagũ rũcɥoraga rũcoquĩ. ⁶ Ito yirocati tiñaña mana wato oca ruyucɥ. Ado bajiro ruyucɥ iti:

—Trigo wame cɥtirise bare co rɥmɥ moare waja coji kiloti bũjare ñaro yiroja. Ito yicõri cebada

wame c̄tirise bare co r̄m̄m̄ moare waja ɯdiaji kilos b̄ujare ñaro yiroja. Ito bajibojarocati ɯyé ide, ɯye roabare c̄ni waja r̄c̄beto yiroja, yire oca ruyuc̄.

⁷ Ito yija m̄c̄ana gajej̄m̄ s̄obiaraj̄m̄ ñigãquĩ Oveja Mac̄. Ito yija ḡaji s̄saḡm̄ tiãña mac̄ ado bajiro yi ruyucuĩ:

—Adoj̄m̄ tiḡm̄ waya, yi ruyucuĩ ȳre.

⁸ Ito ï yija cabaru bodeaḡre ti b̄ujac̄m̄ ȳ. Ì joe jesaḡm̄, “Godare Gaye Rotiḡm̄”, wame c̄tiquĩ. Ì bero s̄yaḡm̄, “Ñeñaro Yigoana Ìna Ñaroj̄m̄”, wame c̄tiquĩ Ì. S̄iare gaye moare c̄ñi Ìna Ìnare. Gãmeri s̄iarena, ñio jogarena, ñarisena ito yic̄ori ḡjeronana c̄ni Ìnare s̄ia rotiñi Ìna. “Adi sita ḡana j̄maria buturi batoc̄ori co butu ḡana m̄ s̄ia jeoja quena”, yi rotiñi Ìna Ìnare.

⁹ Ito yija bero m̄c̄ana gajej̄m̄ s̄obiaraj̄m̄ ñigãquĩ Ì. Ito bajiro Ì yiroc̄ati Diore r̄c̄b̄orã Ìna soe Ìsisotira casabo t̄ s̄ia ecoana ya ɯsi ñac̄. Dios oca Ìna riasojare, ito yic̄ori, “Jesure t̄or̄n̄rã ña ḡm̄”, Ìna yijare Ìnare s̄iañi Ìna. ¹⁰ Oca s̄ero ado bajiro yic̄ã Ìna:

—Coji ñeñaro yĩabic̄m̄ ña ḡm̄ Ʋj̄m̄ m̄. “Ado bajiro yiḡm̄ yiḡaja ȳ”, m̄ yija yiro robo yiḡm̄ ña m̄. ¿Guare s̄ianare noc̄o yoari Ìnare waja seniḡ yati m̄? yic̄ã Ìna. ¹¹ Ìna ito yijare yutabuju botirise Ìnare Ìsiquĩ Ì. Ito yic̄ori:

—Tujacãña maji, ɯsirioresa. Gãjerã m̄m̄ robo bajirã Jesús gayere riasorã yirãji maji. Ito bajiro Ìna yija tic̄ori, Ìnare s̄iac̄orã yirãji maji. Ito bajiro Ìna yija bero Ìnare waja seniḡ yiḡaja ȳ, yiquĩ Dios Ìnare.

12 Ito yija bero mɔcana gajejɔ sɔobiarajɔ ñigãquĩ Oveja Macɔ. Ito bajiro ã yirocati sita iti bɔto ɔɛja ticɔ yɔ. Ito yicõri ãmacañi ãmɔa gagɔ bɔto ñi juaquĩ. Saya bɔto ñiro robo bajiro ñi juaquĩ ã. Ito yicõri ñami gagɔ bɔto sãa juaquĩ, rí bɔto sũarise robo bajiro. 13 Ito yicõri ñocõa ãmacãjɔ gãna jacajɔ quedi queacã ãna. Higuera wame cɔtiricɔ rica mino iti wãa batero robo bajiro quedicã ãna. 14 Ito yija bero macãrucãro godacoacɔ. Papera jũ tunado bajiro baji godacoacɔ. Gãta yucãri, ruja yogari cãni gajerojɔ iti cãni rãgãroca yiquĩ Dios. 15 Ito bajijare ɔjarã rotiri masa gãta gojerijɔ rudi sãja wacã ãna. Ito yicõri gãtagãri wato rudi sãja wacã gãjerã. ãna rãcati surara ɔjarã, ñasarã, niyeru jairã, sãorã, waja mano moari masa, gãjerã queno ñari masa cãni rudi jedicoacã ãna. 16 Ito bajiro rudicõri gãta yucãrire, gãtagãrire cãni ado bajiro yicã ãna:

—Gɔare quedi jea biaya ɔjɔ ya cumurojɔ rujigɔ gɔare ã tibititoni. Ito yicõri Oveja Macɔ gɔa ñeñaro yirise waja gɔare senibititoni, gɔare quedi jea biaya, yicã ãna gãta yucãrire.

17 Ija ito bajiro iti bajija masa ãna ñeñaro yirise waja seniri rɔmɔ ñacãro yiroja. Ito bajiri ñimɔ itire rudi masigũ macɔ yiguñji.

7

ã ñarãre Dios ã tirãnure gaye

1 Ito bero ángel mesa jɔariarã ticɔ yɔ. ãmacañi ã joejea wadiri dɔja waquĩ sãgũ. ã quedi sãja warojɔa waquĩ gãji. Warubɔjɔa waquĩ gãji. Gãji gaje dɔja warubɔjɔa waquĩ. Itojɔ ejacõri mino wãa rotibisã ãna. Ito bajiri adi sita joe, ríaca jajosa joe cãni mino

wēabiticu. Ito bajicōri yucu joe cuni mino wēabiticu. ²Ito bajiroca ũmacañi ĩ joejea wadiri đaja gāji ángel ĩ wadija ticu yu. Dios catitĩñagũ wame wōroti gaye rucocōri ĩ wadija ticu yu. Ejacōri gājerã ángel mesa adi sitare, riaca jajosa cuni, Dios ĩ ñeño rotianare oca sēoro ado bajiro awasã gotiquĩ ángel:

³—Mani Ʋjũ Dios ya moari masa ya rioweca Dios wame wōrã yirãji mani ĩnare. Mani wōroto riojua adi sita, riaca jajosa, yucure cuni ñeñobesa mua maji, yiquĩ ángel Dios ĩ ñeño rotianare.

⁴Ito yija bero, “Adocō ñama mua wame wōrona”, yire oca ruyucu. “Ĩna ñama jua gubojeno buturi gãna. Jeyaro ciento cuarenta y cuatro mil Israel sita gãna ñama ĩna”, yire gaye oca ruyucu. ⁵Ado bajiro wame cuticã jua gubojeno buturi gãna, Israel sita gãna: Judá ñayoru janerãbatia doce mil ñacã. Rubén ñayoru janerãbatia doce mil ñacã. Gad ñayoru janerãbatia doce mil ñacã. ⁶Aser ñayoru janerãbatia doce mil ñacã. Neftalí ñayoru janerãbatia doce mil ñacã. Manasés ñayoru janerãbatia doce mil ñacã. ⁷Simeón ñayoru janerãbatia doce mil ñacã. Leví ñayoru janerãbatia doce mil ñacã. Isacar ñayoru janerãbatia doce mil ñacã. ⁸Zabulón ñayoru janerãbatia doce mil ñacã. José ñayoru janerãbatia doce mil ñacã. Ito yicōri susari Benjamín ñayoru janerãbatia doce mil ñacã. ĩna ñacã Dios wame wō ecorona.

Jãjarã botirise sãñarã

⁹Ito yija bero Ʋjũ ya cumuro riojo, ito yicōri Oveja Macu riojo jãjarã masa ticu yu. ĩna ñacã co sita gãna ruyabeto, co oca ruyabeto busirã, co cuto gãna ruyabeto, ito yicōri co butu gãna ruyabeto

ñacã ãna. Cõãaja jediada manicã ãna. Yutabujuri botirise sãñacõri ãna ya ãmoriya rujaño caeri racocã ãna. ¹⁰ Ado bajiro oca sãoro awasã basicã ãna:

Dios rotira cumuroya rujigã, ã ñami manire masoroca. Ito yicõri Oveja Macu ã cani manire masorocati ñami, yicã ãna.

¹¹ Ito bajiro ãna yiroca riti ángel mesa ñajediro, bucãrã, juariarã tiãña mana cani uya ya cumuro riojo Diore rãcuborã ñini rãjũcõri ãna ya rio sita cãoro muqueacã ãna. ¹² Diore rãcuborã ado bajiro yicã ãna:

Mã ña rãcuborã. Mã ña rãtoro ñasagã. Mã ña rãtoro masigã. Mã ña rãtoro queno yigã. Mã ña masa jeyaro ãna rãcuborã. Mã ña rãtoro sãogã. Ñimã gãji mã rãtoro sãogã maquãji. Mã ña Dios gãa Uja. Ito bajiroti ñatãñama mã. Ito bajiroti bajitãñajaro. Itocõ ña. Amén, yicã ãna.

¹³ Ito yija sãgã bucugã yure seniãaquã:

—¿Ñimarã ñati botirise sãñarã? ¿No gãna wadiyijari ãna? yiquã ã yure.

¹⁴ Ito ã yijare ado bajiro cadica yã:

—Masibea yã. Mã mãri masigãja. Yure gotiya, yicã yã ãre.

Yã ito yijare:

—Ãna ñama buto tãbujabojarãti ãna ñeñaro yirisere jidicãcõri, rãmãa ujure rãtocãana. ãna ñeñaro yirisere coeñi Oveja Macu, ã ya rãna. Ito bajiri yutabujuri boti quenarise sãñama ãna, yiquã ã yure. ¹⁵ Ito bajicõri uya ya cumuro riojo Diore rãcuborã ñama ãna. Ito yicõri ã ya wire ãmãa, ñami cani ãre moa ãsiana ãna. Ito bajiri ã masirisena ãnare codetãñagã yiguãji Dios. ¹⁶ Ito bajiri juaji ñiocõmena yirãji ãna.

Juaji idi ãmomena yirãji ãna. Ito yicõri ùmacañi juaji asi jeobicu yiguñji ãnare. Ito bajiri asirise tãoãmena yirãji ãna. ¹⁷ Eju ya cumuro riojo ñagũ Oveja Macu, ãnare codegu yiguñji. Oveja coderi masu robo bajiro ãnare codegu yiguñji ã. Ide catitĩnare gaye idijaro ãna yirocu, ãnare tãa wacu yiguñji Oveja Macu. ãna ya cajeari yago ide wejacãgũ yiguñji Dios. Ito bajiri wanurã, tãdi otimena yirãji ãna ãja, yiquĩ ã yure.

8

Ruyariju sãobiaraju ñigãre gaye

¹ Ito yija Oveja Macu juã ãmojeno sãobiaraju ruyariju ñigãquĩ ãja. Ito bajiro ã yiroca yoa busari treinta minutocõ ùmacũju macãrucũroju oca manoti ñacu. ² Ito bajija bero juã ãmojeno ángel mesa Dios riojo ãna rãgõja ticu yu. Juã ãmojeno trompeta jutiragari boca ãmicã ãna. ³ Ito yija gãji ángel oro tẽroju soeja suti quenarise sãcõri ejaquĩ. Diore rãcubũorã ãna soe ãsisotira casabo riojo rãgõquĩ ã. Ito yicõri jaje soeja suti quenarise boca ãmiquĩ ã. Iti ñacu, Dios ñarã Diore ãna busiroca soe ãsiroti. Ito yicõri eju ya cumuro riojo Diore soe ãsira casabojũ Diore soe ãsiquĩ ã. Orona ãna menira casabo ñacu ãti casabo. ⁴ Ito bajiro ã soe ãsija bueri queno suti quenarise bue ejacu Diore. Dios ñarã ãre ãna busirise cani ejacu ã tu. ⁵ Ito yija ángel Diore ãna soe ãsira casabo gaye ã rãcori tẽroju rĩti yorise sã dajoquĩ. Ito yicõri adi sitare rĩti yorise yua queoquĩ. Ito bajiro ã yijare bujo ã borea yirise ñacu. Bujo oca cani ruyucu. Ito yicõri guijoro ruyucu. Ito bajicõri sita uecu. Ito bajirise ticu yu, yu cãiroju.

Jutiragari gaye

6 Ito yija bero trompeta wame cutirisena jutirona rucō yucācā ángel mesa jua ãmojeno ñarã.

7 Cajero gagu jutisuoquĩ. Ī jutirocati ide bura kujiri sitaju quedi queacu. Ito yicōri jea ãjurise rí wusarise quedi queacu. Iti quedi quearoca sita gudareco adojua busacō na jedicoacu. Yucu cuni gudareco adojua busacō nacu. Ta cati cuni na jedicoacu.

8 Ito bero gagu ángel jutiquĩ. Ī jutirocati gūtagū bajiro ãjucōri riaca jajosaju quedi roacu. Ito bajiroca riaca jajosa gudareco adojua busacō rí godo wedicu. 9 Ito bajiri riaca jajosa gāna gudareco adojua busacō cō jedicoacā ĩja. Ito yicōri gudareco adojua busacō cuma bucari ruja jedicoacu ĩja.

10 Ito bero gagu ángel jutiquĩ. Ī jutirocati ũmacūju gagu ñocōa jaigu quediquĩ. Jea ãjurise bucu bajiro quediquĩ ĩ. Riadari, ide ũmaburi gojeri gudareco adojua busacō quedi roaquĩ ĩ. 11 “Sūerise”, wame cutiquĩ ĩ ñocōamu. Ito bajiri gudareco adojua busacō sūerise godo wedicu ide. Ito bajiri itire idicōri masa jãjarã godacã.

12 Ito bero gagu ángel jutiquĩ mucana. Ī jutirocati ũmacañi ũmu gagu gudareco adojua busacō ñeñaquĩ. Ito yicōri ñami gagu gudareco adojua busacō ñeñaquĩ. Ñocōa cuni itocōti ñeñacã. Ito bajiri gudareco adojua busacō busubiticã ĩna. Ūmu gagu juarajiri cōrecō busubitiqũ. Ñami gāna cuni iticōti busubiticã.

13 Ūmacūju ti mucoca yigu, ga ĩ wutija ticu yu. Ado bajiro oca seoro busi ruyuruĩ ĩ:

—Bujato bajiro wado ya adi sita gānare. Ūdiarã ángel mesa jutimena ĩna jutiroca buto tōbujarã

yirãji adi sita gãna. Bujato bajiro yiroja ñnare, yi ruyucuĩ ñ yu tuoja.

9

Susabiti goje gaye

¹ Ito bero co ñajamo ñagũ ángel jutiquĩ mucana. Ñ jutirocati sīgũ ñocõa robo bajigũ ado jacajũ ñ quedi queaja ticũ yu. Quedi queacõri susabiti goje soje janado boca amiquĩ ñ. ² Ito yicõri iti sojere janaquĩ ñ. Ñ janagoroca jairo ñjũrime bueri robo bajiro mujacu. Jairo bue dajacõri rãitĩacoacu. Ito bajicõri ñmacañi cuni ruyubitiquĩ. ³ Iti bueri wato ñimia jãjarã wuti batacã adi macãrucãrore. Cotiwãja robo bajiro toarã ñacã ñna ñimia. ⁴ “Tare, yucure, oteja judirisere cuni ba ñeñobesa muã”, Dios ñ yicãna ñañi ñna. “ Ñni ñami Dios yagu”, wame wãñamenare riti usirioro yiba muã”, Dios ñ yicãna ñañi ñna. ⁵ “Masare usirioro yiba”, Dios ñ yiana ñabobarãti, “Masare sãama”, ñ yiana meje ñañi ñna. “Co ñajamocõ ñmacañicõ masare rujari juniroca yiba”, Dios ñ yicãna ñañi ñna. Masare rujari juniroca ñna yija, cotiwãja ñ toaro bajiro junirã ñacã ñna. ⁶ Iti rumari iti ejaroca buto goda amora yirãji masa. Ito bajibojarocati goda masimena yirãji ñna. Ejori goda amobojarãti godamena yirãji ñna.

⁷ Yu tija ñimia cabarua robo bajirã ñacã. Gãmeri sãrona ña yucãna robo bajiro bajicã ñna. Ñna ya rijogari joe oro bedori bajirise jesacã ñna. Ito yicõri ñna ya riori, masu rio bajiroti bajicu. ⁸ Ñna ya joa romia joa bajirise ñacu. Ito yicõri ñna ya guji yai guji bajirise ñacu. ⁹ Ñna ya rujũ cuní

gaye come wero robo bajirise ñacu. Ìna wutija ìna ya caerori cabarua jãjarã ìna ùmaquero bajiro ruyucu. Gãmeri sïarã warã jãjarã cabarua tunuricori ìna tãa waro bajiro ruyucu. ¹⁰ Cotiwãja jotia robo bajiro jotaga cõtirã ñacã ñimia. Ito bajiri co ðajamocõ ùmacañicõ masare rujari juniroca yi ñacã ìna. ¹¹ Ìna ñimia uju sïgũ ñaquĩ. Súsabiti goje gagu ñaquĩ ñimia uju. Ángel ñagoru ñaquĩ ìna uju. Hebreo ocana Abadón wame cõtiquĩ ì. Griego ocana Apolión wame cõtiquĩ. “Ruyuriori masu”, yireoni ña iti.

¹² Ito bajiro rëtaçu cajero tõbujasuroti gaye. Ito bero juaji gaye ruyacu mûcana.

¹³ Ito yija bero gagu ángel jutiquĩ mûcana. Ì jutirocati Dios riojo ìre soe ìsira casabo juaria saburi sabu cõtiri casabo wato oca ruyucu. ¹⁴ Ito juti ruyucacure ado bajiro oca goti ruyucu:

—Éufrates wame cõtirisa tu juariarã ángel mesa ñagoana sia cûanare õjaña, yire oca ruyucu.

¹⁵ Ito bajiri juariarã ángel mesa ñagoanare õjaquĩ ì. Gûdareco adojuu busacõ masare sïajaro yiroçu, ìnare õjaquĩ ì. “Ìti rodoti, ì ùmacañiti, iti ramati, iti horati ìnare sïama”, yi goticãna ña ñi ìna.

¹⁶ “Doscientos millones surara cabaru joeju jesarã ñama”, yire gaye oca tûocu yu.

¹⁷ Ito yirocati yu cãiroju cabaru joe jesarãre ticu yu. Ìna ya ruju cuní gaye ricati riti ñacu. Gãjerã sũarise, gãjerã sũearise, gãjerã bodearise cuní caticã ìna. Yai rijoga bajiro rijoga caticã ìna cabarua. Ìna ya riseriju bueri, jea, ito yicõri azufre wame cõtirise cuní budicu. ¹⁸ Iti udiaji gaye cabarua ya riseriju budicati gûdareco adojuu

bʉsacō masare sīacʉ iti. Jājarā masare jeana, buerina, ito yicōri azufre wame cʉtirisena cʉni masare sīacā ĩna. ¹⁹ ĩna ya riserina, ĩna ya jotiarina cʉni masare sīa masirā ñacā cabarua. ĩna ya jotiari āña robo bajiro rijoga cʉticʉ. Ito bajiri ĩna ya jotiarina masa ĩna tōbʉjaroca yicā ĩna.

²⁰ Jājarāre sīacā ĩna. ĩnare sīaja tibojarāti ĩna ñeñaro yirise jidicābiticā gājerā. Rūmúare rʉcʉbʉoro jidicābiticā ĩna. Rʉcʉbʉorona ĩna meniana ñacā. Oro, plata, bronce wame cʉtirisena, gūta, yucʉna cʉni menicā ĩna ĩnare rʉcʉbʉorona. ĩna menire tirise meje, warise meje, tʉorise meje ñabojarcati itire rʉcʉbʉotĩñacā ĩna. ²¹ Gājerāre sīa jidicābiticā ĩna. Masare ĩna rojarise jidicābiticā ĩna. Romiare ĩna ajerise jidicābiticā. ĩna rinirise cʉni jidicābiticā ĩna.

10

Dios ñaro gagʉ ángel papera tunara joti rʉcogʉ

¹ Ito yija gāji ángel sēogʉ ũmacʉjʉ ĩ ruji wadija ticʉ yʉ. Ide bueri wato ruji wadiquĩ ĩ. ĩ ya rijoga weca bue bedo ñacʉ. ĩ ya rio ũmacañi ũmʉa gagʉ bajiro yocʉ. ĩ ya ñicʉri jea ũjʉrise cʉrise bʉcʉ robo bajiro bajicʉ. ² ĩ ya āmojʉ papera tunara joti ōjacōri rʉcoquĩ. Ruji ejacōri ĩ ya gʉbo riojocadʉja riaca jajosa cʉda roaquĩ ĩ. ĩ ya gācodʉjaga gʉbo boejʉ cʉda cūquĩ. ³ Ito yicōri oca sēoro awasāquĩ. Yai awasāro bajiro ruyucʉ ĩ awasāja. ĩ awasārocati jʉa āmojeno bʉjoa bʉsi ruyucā. ⁴ Bʉjoa oca ruyurise ucarocʉ yibojacʉ yʉ. Iti ucagʉ wagʉ yʉ yirocaci ũmacʉjʉ ado bajiro oca ruyucʉ yʉre:

—Jua ãmojeno bujoa oca ruyurise gãjerãre gotibesa. Ucabesa itire, yire oca ruyucã yãre.

⁵ Ito yija bero co daja gubo riacajã cãda rãgõcõri gaje daja gubo boejã cãda cãgã, ã ya ãmo riojocadaja ãmacãjã ã ñumõoja ticã yã. ⁶ Riti bajiro yiroja yirocã, “Dios catitãñagã ã tiro riojo ado bajiro ya yã”, yiquã ã. Dios ñami ãmacãjã macãrucãrore rujeorã. Sita, riacari cãrise, ito yicõri jeyaro itijã ñãrise rujeorã ñami ã. Riti bajiro yiroja yirocã, Dios ã tiro riojo ado bajiro ya yã:

—Ñe sejare mano yiroja ãja. ⁷ Susagã ángel jua ãmojeno ñagã ã jutiroca, “Ado bajiro yigã yigãja yã”, Dios ã yiado bajiroti yigã yiguãji ã. Jane mejeje masare iti gaye goti jeobisã ã maji. ãre goti ãsiri masare riti gotiã ã. ãnare ã gotiado bajiroti rãtaro yiroja ángel susagã ã jutija, yiquã ã.

⁸ Ito bajiro ã yija bero ãmacãjã oca ruyucati tãdi ruyucã yãre mãcana. Ado bajiro yi ruyucã yãre:

—Ángel ã ya riojocadaja riacajã cãda roacõri, boejã cãda cãgã tã wasa. Papera tunara joti ã rãcorise ãmiãa, yire oca ruyucã yãre.

⁹ Ito bajiro iti ruyuja tãocõri, ángel tã wacã yã. ã tã ejacõri papera tunara jotiãcã ãre senicã yã. Yã senija ado bajiro yãre cãdiquã ã:

—ãmo baya. Iti mã baja beroa ide robo bajiro ibisitiro yiroja mã ya rise. Ito bajibojarocati iti mã baja bero ñeme jiacõri mãre jeraga juniro yiroja, yiquã yãre.

¹⁰ Ito ã yirocati ãmojã ã rãcorise papera ãmicã yã. Itire ãmicõri bacã yã ãja. Beroa ide robo bajiro ibisiticã iti yã baja. Ito bajibojarocati iti yã baja

bero yu ya jeragaju bato junicu. ¹¹ Yu baja beroju ado bajiro yure gotiquĩ ĩ:

—“Co butu gãna ruyabeto, co sita gãna ruyabeto, co oca ruyabeto busirãre, ito yicõri ujarã ñarocõreti ado bajiro rëtaro wado yiroja”, Dios ĩ yire gaye mæcana tãdi goti quenore ña mure, yiquĩ ángel yure yu cãiroju.

11

Juarã busi ejabuarĩ masa gaye

¹ Ito yija bero cõlara jãĩ, yoari jãĩ yure ĩsiquĩ. ĩsicõri ado bajiro yure gotiquĩ ĩ:

—Īmo, ãmiña. Yu ya wire yure rucubuarã masa ĩna minijua wire cõiatëña. Yure ĩna soe ĩsira casabore canĩ cõĩama. Ito yicõri yure rucubuarãre cõĩama. ² Yu ya wi riojo ñari tucũrore cõĩabeja. Yure boca ãmimena ya tucũro ña iti tucũro. Yu ñarã meje ñama ĩna. Udia rodo gaje rodo gudarecocõ yu ya cuto ñeñaro yi ucurã yirãji ĩna. ³ Ito bajiri juarã yu gaye busirã yure busi ejabua waronare cõagũ yiguja yu. Udia rodo gaje rodo gudarecocõ yu gayere busi ñarã yirãji ĩna. Bojori bujarã ĩna sãñarise sãñarã yirãji ĩna, yiquĩ Dios yure.

⁴ Adi macãrucãro Uju Dios riojo, olivos wame cutiricu juagu ña. Ito yicõri jeobusuora tutu juã tutu ña. Iti robo bajiro bajirã ñama juarã ĩre busi ejabuarã. ⁵ ĩna wajanare ĩna ñeñaro yi ãmoja, ĩna ya riserina jea bucã ĩna. Ito bajiro yicõri ĩna wajanare soe jeocã ĩna. No ĩnare ñeño ãmorãre ito bajiroti soecã ĩna. ⁶ Ide quedire ĩna ãmobeja, idere camota masirã ñacã ĩna. Dios gaye ĩna riasoroca ide quedibe yirona camotacã ĩna. Idere rĩ iti godo wediroca

yi masirã ñacã ñna. Ito yicõri adi sita ñarise jeyaro iti juniroca yi masirã ñacã ñna. Ñna ãmorocõ yisoticã ñna itire.

⁷ Diore ñna bñsi ejabñarise gajanoaroca sñsabiti goje gagñ guijogñ ñna tñ mñja ejaquĩ. Ñnare ñna rētocũquĩ Ñ. Ito yicõri ñnare sñaquĩ Ñ. ⁸ Ñnare sñacõri jaja cñto ma gñdareco ñna ya rujñrire cñquĩ sñsabiti goje gagñ. Mani Ñjñre ñna sñara cñto ñacñ iti cñto. Iti cñto gñna ñeñaro yirã ñari Sodoma cñto gñna, ito yicõri Egipto gñna bajiro bajirã yicã ñna. ⁹ Ñdia rñmñ gaje rñmñ gñdarecocõ majñ Diore bñsi ejabñari masa ya rujñri cññacñ. Masa jeyaro, co butu gñna rñyabeto, co oca rñyabeto bñsirã, co sita gñna rñyabeto ñna ya rujñrire ticã. Ñna yuje ãmobjarocati masare camota ñnaquĩ sñsabiti goje gagñ. ¹⁰ Bñsi ejabñari masa jñarã ñna godaja ticõri, wanñcã adi sita gñna. Wanñsarã ñnarã basa menicã ñna. Ito yicõri waja manoti gñmeri gajeoni Ñsicã ñna. “Ñna jñarã Diore bñsi ejabñari masa tñdi manire ñsirioro yimenaji”, yi tñoñarã wanñcã iti cñto gñna.

¹¹ Ito bajibojarocati ñdia rñmñ gaje rñmñ gñdarecocõti ñre bñsi ejabñarã jñarã tñdi ñna catiroca yiquĩ Dios. Ito bajiro Ñ yijare wñmñ rñgñcã ñna. Ñnare ti ññabojana ñna wñmñ rñgñja, ti ñcãcã. ¹² Ito yija bero oca sēoro ñmacñjñ oca ruyucñ ñna jñarãre:

—Adojña mñja waya, yire gaye oca ruyucñ ñnare.

Ito yija bero ide buerina mñja wacã ñna Ñja. Ito bajiro ñna mñja waja, ñna wajana ññabojana ñnare ticã. ¹³ Ñna mñja warocati adi sita bñto ñecñ. Iti cñto mil wiri iti ñaja, cien ñari wiri juja quedicñ. Sita ñerisena siete mil ñnarã masa godacã. Gñjerã cati

rɯyarã ti ɯcacõri güicã ñna. Ito bajiri ũmacũju gagɯ Diore rɯcɯbɯocã ñna.

¹⁴ Ito bajiro rētarise adi rãca masa ñna tōbɯjarise jɯaji rētasɯocɯ. Nocõ mejeti mɯcana masa ñna tōbɯjaroti rētacɯ.

Jɯa ãmojeno ñagũ Dios ñaro gagɯ ï jutire gaye

¹⁵ Ito yija bero sɯsagɯ jɯa ãmojeno ñagũ ángel jutiquĩ. Ì jutirocati ũmacũju oca sēorise ruyucɯ yɯ tɯoja. Ado bajiro yi ruyucɯ iti:

Adi macārɯcãro gãna ñajediro rotirona ñama Dios mani Ʋju, ito yicõri Cristo cɯni. Ʋjarã roti masirã ñatĩñarã ñarã yirãji ñna, yire oca ruyucɯ ũmacũju yɯ tɯoja.

¹⁶ Ito yiroca veinticuatro ñarã bɯcãrã Dios riojo ɯju ya cumurorijɯ rujirã ñini rũjũcõri sitajɯ ñna ya rio muqueacã ñna. Ito bajiro yicã ñna Diore rɯcɯbɯorã.

¹⁷ Ado bajiro bɯsi ruyucã ñna:

Gɯare queno ya gɯa Ʋju mɯ. Rētoro masigũ ña Dios mɯ. Ñimɯ gãji mɯ robo masigũ mamí. Iti rɯmɯju gagɯ ña mɯ, adocãta gagɯ cɯni. Ijarijɯ cɯni ñatĩñagũ yigɯja mɯ. Buto masigũ ñari adocãta masare rotisɯoa mɯ. Ito bajiri, “Queno ya mɯ”, ya gɯa mure.

¹⁸ Mure masimena co sita gãna ruyabeto mure ti junisinicã ñna. Ñna tōbɯjaroca mɯ yira rɯmɯ ejacoajɯ ïja. Ito yicõri godarãre waja mɯ seniri rɯmɯ ejacoajɯ. Mure moa ïsicõri ñna mure goti ïsire waja, waja yira rɯmɯ ejacoajɯ ïja. Mɯ ñarã mure rɯcɯbɯoanare mɯ waja yira rɯmɯ ejacoajɯ. Ñasarã, ñasa menare cɯni mɯ ñarã ñna ñajare ñnare waja yigɯ yigɯja mɯ. Ito yicõri adi sita gãnare ñeñaro yirãre

mꜛ ruyurioroti rꜛmꜛ ejacoajꜛ, yicã veinticuatro ñarã bꜛcꜛrã Diore rꜛcꜛbꜛorã.

¹⁹ Ito yija bero ũmacũjꜛ Dios ya wi iti janaja ticꜛ yꜛ. Iti wi totijꜛ Dios ï rotirise sãñari jedo iti ñaja ticꜛ yꜛ. Iti yꜛ tirocati bꜛjo jaquĩ. Ito yicõri bꜛto bꜛsiquĩ. Iti wato guijorise ruyucꜛ. Sita cꜛni ꜛecꜛ. Ito yicõri ide bꜛra cujiri guijoro jaje quedicꜛ.

12

Romio tꜛ jino robo bajigꜛ bꜛcꜛ ï ejare gaye

¹ Ito bero ũmacũjꜛ ijarijꜛ rētaroti ruyucꜛ yꜛre. Ũmacañi ï yorise bajirise saya sãñacõ iso romio. Ũmacañi ñami gagꜛ joe rꜛgõcõ iso. Iso ya jesara bedojꜛ jꜛa gꜛbojeno ñocõa ñacã. ² Macꜛ sãñagõ ñacõ iso. Ito bajiri macꜛ cõgõ awasãcõ. Iti junijare oca jai ñacõ iso. ³ Ũmacũjꜛ ija rētaroti gaye gaje ruyucꜛ. Iso tꜛ jino robo bajigꜛ sũagũ bꜛcꜛ ñaquĩ. Jꜛa ãmojenogãri rijoga cꜛtiquĩ ï. Jꜛa dꜛjamocõ saburi sabu cꜛtiquĩ. Ito yicõri co rijoga rꜛyabeto jesara bedo jesaquĩ. ⁴ Ñocõare gꜛdareco adojꜛa bꜛsacõ ï ya jotiana ja ñajõquĩ ï. Ito bajiri sitajꜛ quedi queacã ïna ñocõa. ï jino robo bajigꜛ bꜛcꜛ, macꜛ cõgõ tꜛ tujaquĩ. “Ï rujearocati ïre bacꜛja”, yirocꜛ tujaquĩ ï. ⁵ Ito ï yiroca ãmꜛgũ macꜛ cꜛticõ iso. Masa jeyaro Ɔjꜛ ñarocꜛ ñaquĩ ï. Dios ï cꜛrꜛ ñari sēoro roti masiquĩ. Iso rꜛcoja bero ɥjꜛ ya cumuro Dios ï rujiro tꜛ ïre ãmi ejacã ïna. ⁶ Ito yirocati masa manojꜛ rudicoacõ macꜛacã jaco. Itojꜛ iso ñarotijꜛ ñacãcꜛ Dios ï cꜛrajꜛ. Itojꜛ mil doscientos sesenta rꜛmꜛri codequĩ Dios isore.

⁷ Ito yija bero ũmacũjꜛ ïna gãmeri sãja ticꜛ yꜛ. Ángel mesa Miguel ɥjꜛ rãca ñarã, ángel mesa

ñagoana jino robo bajigũ bũcũ ñarã rãca gãmeri tãcã ñna. ⁸ Miguel mesare rětocũbiticã ñna. Ito bajiri ũmacũjũ Dios tũ ñna masibiticã ñna ñja. ⁹ Ito bajiro ñna yijare jino robo bajigũ bũcũre bucõaquĩ Dios. Dios ñ bucõaruti ñami rãmúa ɸjũ Satanás wame cõtigu. Ñti ñami jane mejejũ jino robo godo wedirũ. Ñti ñami masa jeyarore ruogũ. Ñ ñarã Dios tũ ñagoana rãcati bucõaquĩ Dios adi sitajũ ñna ñtoni.

¹⁰ Ito yija ũmacũjũ oca sëoro ado bajiro ruyucũ:

—Masare masorocũ ñacãmi Dios ñja. Ito bajiri mani Ʋjũ ñarocũ ñami ñ. Ñ masirise cuni ñorocũ ñacãmi. Ñ Macũ Cristo cuni ñ masirisena rotirocũ ñacãmi. Rãmúa ɸjũre bucõacacũ ñami ñ. Ñ bucõaruti ñami Cristore tũorũnrãre oca menigũ. Ʋmũa, ñami cuni Dios ñ tiro riojo mani ñarãre oca meni ãmobjagũ, “Seti cõtiana ñna”, yisotibojami ñ Diore.

¹¹ Mani ñarãjũa ñre rětocũcã ñna. “Ñ ya rina mani ñeñaro yirisere coe jeogũ yiguñji Oveja Macũ”, yi tũoĩacõri rãmúa ɸjũre rětocũcã ñna. “Cristo oca mani riasoja ticõri, manire sjarã yirãji”, yi tũoĩa güibiticã ñna. “Manire ñna sja ãmobjarocati Dios ocare jidicãmenaji mani”, yi tũoĩacã ñna. Ito bajiro yicõri rãmúre rětocũcã ñna. ¹² Rãmúre ñna rětocũja ticõri, wanũña ũmacũjũ gãna mũa. Mũa adi sita gãnareama bũjato bajiro yiroja. Mũa riaca jajosa gãnare cuni bũjato bajiro yiroja. Mũa tũjũ ruji-coami rãmú ñja. Ito bajiri bũjato bũjarã wana ya mũa. “Yoari mejeti yũ tõbũjaroca yigũ yiguñji Dios”, yirocũ bũto junisiniami rãmú adocãta, yi ruyucũ oca ũmacũjũ.

¹³ “Adi sitajũ cõami Dios yũre”, yi ti masicõri, romio macũ rũcorore sũyaquĩ jino robo bajigũ

buc̄u. ¹⁴ Isore ã s̄yabojarocati ga caero j̄ua caero curise buc̄u isore ãsicã ãna iso w̄atitoni. Ito bajiri masa manoj̄u iso ñaroj̄u jinore w̄ati rudi wac̄õ iso. Itoj̄u ūdia rodo gaje rodo gudarecoc̄õ isore bare ecac̄õri tir̄ũn̄u ñaquĩ Dios. ¹⁵ Iso rudija tic̄õri, isore s̄ã ãmoquĩ jino robo bajiḡu. Ito bajiri ã ya risena ide buquĩ isore ruoc̄u. ¹⁶ Ito bajiro ã yibojarocati sita ejab̄uac̄u isore. R̄ãmá ide ã bubojare sitati udi ãmi jeoc̄õc̄u. ¹⁷ Iti ito bajija tic̄õri, b̄uto romiore junisiniquĩ jino robo bajiḡu. Isore s̄ã masibitic̄õri iso janer̄abatiare t̄ãḡũ waquĩ r̄ãmá. ãna ñama Dios rotirise c̄udirã. Ito yic̄õri Jesucristo oca t̄uor̄ũn̄u s̄yará ñari bojomenati masare goti batorã ñama ãna. ¹⁸ ãnare s̄ã ãmoḡũ jino robo bajiḡu riaca jajosa t̄unima jaj̄j̄u bocati ñac̄ãquĩ ã, ȳu cãiroj̄u ȳu tija.

13

J̄arã guijorã tiya mana gaye

¹ Ito bero ȳu cãiroj̄u s̄iḡũ guijoḡu tiya mac̄u ã maja wadija tic̄u ȳu. J̄ua ãmojenoḡãri rijogari c̄utiḡu ñaquĩ ã. J̄ua d̄ujamoc̄õ saburi c̄atiquĩ ã. Co saburi r̄uyabeto come bedori jesac̄u. ã ya riowecarij̄u wame wãñac̄u. Wame ñeñarise iti ñajare itire ti te ñaquĩ Dios. ² ã guijoḡu ȳu ticac̄u, yai robo bajiro bajiquĩ. Oso wame c̄utiḡu bajiro curise ḡubo c̄atiquĩ ã. Yai jaiḡu buc̄u robo bajiro rise c̄atiquĩ ã. Guijoḡure queno ã masiroca yiquĩ jino robo bajiḡu. Ito yic̄õri ã rujiri cumuroj̄u ãre rojoquĩ guijoḡure. Ito yic̄õri masare ã roti masiroca yiquĩ jino robo bajiḡu. Ito bajiri jino robo bajiḡu bajiroti roti masiquĩ guijoḡu c̄uni. ³ Guijoḡu coga ã ya rijogaj̄u ãre ãna s̄ãbojare cami c̄atiquĩ ã. ã ya cami yaticoyija ȳu tija. ã catija

ticōri, adi sita gāna ñarocōti ñre ti uacā. Ito bajiri ñre rucabuo sayacā ñna. ⁴ Guijogu ñ rotu masiroca jino robo bajigu ñ yijare, jino bucujare rucabucā masa. Ito yicōri guijogure cuni rucabucā ñna. ñre rucabucā ado bajiro yicā ñna:

—Ñimū gāji āni guijogu robo bajigu mami. Ñimū gāji ñre tā rētocūgū mami, yi rucabucā masa guijogure.

⁵ “Yū ña rētoro ñasagu. Ñimū gāji yū robo bajigu maquñji”, yiquñ guijogu. Ito yicōri Diore ñeñaro busituquñ ñ. Cuarenta y dos ũmacañicō rotu ñaquñ ñ. Ito bajiro ñ yija ticōaquñ Dios. ⁶ Dios ñ turo riojo ñre busituquñ ñ. Dios wamere ñeñaro busiquñ ñ. Dios ya wire cuni ñeñaro busiquñ ñ. Ito yicōri ũmacūju gānare cuni busituquñ ñ. ⁷ Dios ñarā rāca gāmeri tādōri ñnare rētocūquñ ñ. Ito bajiro ñ yibojarocati ticōaquñ Dios ñre. ñre rēobitiquñ Dios maji. Ito bajiri co butu gāna ruyabeto, co cuto gāna ruyabeto, co oca ruyabeto busirā, ito yicōri co sita gāna ruyabeto rotu ñaquñ guijogu. ⁸ Adi sita gāna ñajediro ñre rucabuo jedicā ñna. Adi macārucūrore Dios ñ rujeoroto riojajū, “Āna ñama yū ñarā, catitñarona”, yiaru wame wōcāñi ñ ya papera tutijū. Iti tutire rucogu ñ ñami Oveja Macu, ñna sjaru. Iti tutijū wame wāñamena guijogure rucabucā ñna, yū cāiroju.

⁹ No gāmo goje cutirā tūoya. ¹⁰ “Seti cutirā ñama ñna”, ñna yi ñia āmi warāma, tubiara wijū āmi warā yirāji. Ito yicōri, “Seti cutirā ñna ñajare sarera jāina ñnare sīaja quena”, ñna yanare sarera jāina sīarā yirāji ñna. Ito bajiri manu Dios ñarā ñnari manu tōbujabojaja cuni tūoīa usirio yibitirūja manire. Ito yicōri Diore tūorūnu jidicābitirūja manire.

11 Ito yija bero gāji guijog_u sitaj_u ĩ joejea wadija tic_u y_u. J_ua sabu m_utac_u ovej_u mac_u saburiac_u robo bajiro sabu c_utiquĩ ĩ. Ito bajibojarocati jino oca robo bajiro ruyuc_u ĩ b_usija. 12 Cajero gag_u guijog_u ĩ bero gag_ure ĩ robo bajiroti ĩ roti masiroca yiquĩ ĩ, ĩre. Ito bajiri masa ĩna s_uabojaru_u cami c_utig_ure masa ĩre r_uc_ub_uoroca yiquĩ ĩ, bero gag_u. 13 ĩ c_uni masa tiro riojo guijorise tiyamani ĩoquĩ. Masa ĩna tiro riojo ũmac_uj_u gaye jea ũj_urise jacaj_u iti quedi quearoca yiquĩ ĩ. 14 Ito bajiro masa ĩna tiro riojo tiyamani ĩ ĩoja, ĩnare r_uog_u yiquĩ ĩ. Cajero gag_u guijog_u ĩ ĩaroca riti tiyamani ĩosotiquĩ ĩ bero gag_u. Cajero gag_u guijog_u ruj_u robo bajiro masare meni rotiquĩ bero gag_u. Cajero gag_u guijog_u ĩ ĩ_uquĩ sarera j_uina ĩna cami menibojaru_u. ĩ ya ruj_u robo bajiro masare meni rotiquĩ bero gag_u. 15 Masa ĩna meni rujeoja tic_uri, ĩna menir_ure catioc_uri ĩ b_usiroca, bero gag_u guijog_u ĩ yi masiroca yiquĩ cajero gag_u guijog_u. Ado bajiro gotiquĩ ĩna meni rujeor_u: “Y_ure r_uc_ub_uomenare s_uaja quena”, yi rotiquĩ y_u c_uiroj_u. 16 Ito yija masa ĩajedirore ĩna ya _umo riojocad_ujare, ito yic_uri ĩna ya riowecare wame w_u rotiquĩ ĩ. ĩsari masa, ĩsasamenare c_uni, niyeru jair_u, bojoro b_ujar_u, queno ĩna _umo robo ĩar_ure c_uni, g_ujer_ure moa ĩsiri masare c_uni ĩna ĩaroc_ureti wame w_u rotiquĩ ĩ. 17 Waja _umor_u ĩna ĩsi _umbojarocati g_umeri ĩsire manic_u, wame w_uñamenare, ĩ r_uojare. Guijog_u wame ito yic_uri ĩ ya n_umero w_uñamenare waja g_umere manic_u ĩnare.

18 “Ito bajiro yireoni ĩna iti n_umero”, mani yi masi _umoja, queno itire riasotija quena. Iti n_umero _um_ug_u wame yireoni ĩna. Ado bajiro bajic_u iti

número, seiscientos sesenta y seis ñacũ.

14

Dios ñ masoana ñna basare gaye

¹ Ito bajija bero Sión wame cutiri buro joe, Oveja Macũre ñ rãgõja ticũ yũ. Ciento cuarenta y cuatro mil ñarã ñacã masa ñ rãca. Ñna ya riowecarijũ Oveja Macũ wame, ito yicõri ñ Jacũ wame wãñacũ ñnare. ² Ito bero ñmacũjũ oca ruyucũ. Gãta iti udiro bajiro, bujo buto ñ jaro bajiro, ito yicõri arpa wame cutirise jãjarã basa ñna meniõro bajiro ruyucũ. ³ Juarãrã tãña mana catirã, ito yicõri veinticuatro ñarã bucurã Dios rotira cumuro tũ ñacã. Ñna riojo ciento cuarenta y cuatro mil ñarã mame basa sãacã ñna. Adi sita gãna Dios ñ masoana riti basa sãa masicã itire. ⁴ Ñna ñacã romia rãca ajeĩamena. Ñeñaro yi ñmobicõri romiare ajeĩabiticã ñna. Oveja Macũre cudicõri no ñ warojũ ñ rãca wacã ñna. Adi sita gãna Dios ñ masoana ñacã. Ito bajiro bajirã ñari ñna ñacã cajero Oveja Macũ ñarã, ito yicõri ñ Jacũ ñarã ñnasõoana. ⁵ Ñna wato sãgũ socagũ maniquĩ. Dios ñ tiro riojo seti mana ñacã ñna.

Dios ñaro gãna ñdiarã

⁶ Ito bero gãji ángel ñmacũjũ ñ wutija ticũ yũ. Ñ ñaquĩ, “Masare masogũ yiguĩji Dios”, yire oca gotigũ. Wasoa ecobeto yiroja iti ñatĩñaroti ñari. Co sita gãna ruyabeto, co butu gãna ruyabeto, co oca ruyabeto busirã, ito yicõri co cuto gãnare ruyabeto iti oca busirocũ ñaquĩ ñ. ⁷ Ado bajiro sãoro busi ruyuquĩ ñ:

—Jeyaro masigũ Dios ã ñajare, ãre güija quena. Ito yicõri ãre rãcubũoja quena. Masa ãna ñeñaro yirise waja, waja senira rãmũ ejacoajũ ãja. Dios ã ñami ãmacũjũ, jacajũ cãni, riacari, ide ãmaburijũri cãni menirũ. Ito bajiro yirũ ã ñajare ãre rãcubũoja quena, yì ruyucuĩ ángel ãmacũjũ.

⁸ Ito bero mũcana gãji ángel ã wãtija ticũ yũ. Ado bajiro bũsi ruyucuĩ ã:

—Babilonia wame cutiri cutore, ito yicõri iti cuto gãnare cãni ruyurioquĩ Dios. Babilonia gãna gãjerã ãna ñeñaro yitoni ãsirio codecã ãna. Sigũ ãyẽ ide queagũ ã ãsirio codero bajiro yicã ãna, yì ruyucuĩ ángel.

⁹ Ito bero gãji ángel ticũ yũ. ãna ãdiarã ticũ yũ jeyaro. Ado bajiro oca sẽoro bũsi ruyucuĩ ã:

—Guijogũre rãcubũorãre ãna tõbũjaroca yigũ yiguĩji Dios. ã ya rujũ ãna meni rujeorũre rãcubũorãre cãni ãna tõbũjaroca yigũ yiguĩji Dios. ã wamere ãna ya ãmojũ, ãna ya riowecajũ wõ rotirãre ti junisinigũ yiguĩji Dios. Ito bajiri ãna tõbũjaroca yigũ yiguĩji ã. ¹⁰ Ado bajiro bajia iti. ãyẽ ide, ide wũoya mani bũto rãrise ñacũ. Iti ãyẽ ide bũto rãrise wũoya mani robo bajiro bũto ãna tõbũjaroca yigũ yiguĩji Dios. No guijogũre rãcubũorãre jeame ãjũrojũ cõagũ yiguĩji Dios. Jeana, azufre wame cutirisena cãni tõbũjarã yirãji ãna. Oveja Macũ ã tiro riojo ángel mesa ãna tiro riojo cãni tõbũjarã yirãji ãna. ¹¹ ãna ãarime gaye bueri buetarobjetoja. Ito bajiri guijogũre rãcubũorãre ãna tõbũjarise jedibeto yiroja. ãna meni rujeorũre rãcubũorã, ito yicõri ã wame wõ rotiana cãni ito bajiroti tõbũjarã yirãji ãna. ¹² “Ito bajiro tõbũjarã yirãji ãna”, yì tũoãcõri,

Dios rotirisere queno cɔdiba mɛa, ĩ ñarã ñari. Jesure tɔorɛnɛ jidicãbeja mɛa. Mɛa tɔbɛjabojaja cɛni ɛsiriobeja, yi ruyucuĩ ángel ũmacũjɛ.

13 Ito yija bero gaje oca ruyucu yɛre ũmacũjɛ. Ado bajiro yɛre yi ruyucu iti:

—Yɛ mɛre gotirisere ucaya. No Diore tɔorɛnɛ jidicãmena ĩna godabojaja cɛni wanɛ quenarã yirãji, yi ruyucu oca yɛre.

Gaje ado bajiro yi ruyucuĩ Espíritu Santo:

—Riti bajia. ĩna moarise jidicãcõri, tujacãrã yirãji ĩna. Ũmacũjɛ ĩna ejaroca queno ĩna yigorere waja yigɛ yiguĩji Dios ĩnare, yi ruyucuĩ Espíritu Santo.

Diore tɔorɛnɛrãre miojucõri ĩ ãmire gaye

14 Ito yija ide bueri queno botirise ticɛ yɛ. Ide bueri joe Masa Rĩjorɛ robo bajigɛ rujiquĩ. Oro bedo jesaquĩ ĩ. ĩ ya ãmojɛ yoara jãĩ odiri jãĩ rɛcoquĩ ĩ. 15 Ito yija gãji ángel Dios ya wijɛ ĩ budija ticɛ yɛ. Ide bueri joe rujigɛre oca sɛoro ado bajiro bɛsi ruyucuĩ ĩ:

—Macãrɛcãro rica boticoajɛ. Rica ãmirajɛ eja-coajɛ ĩja. Ito bajiri ricare jata ãmiña ĩja, yi bɛsi ruyucuĩ ángel.

16 Ito ĩ yija tɔocõri, ide bueri joe rujigɛ ĩre tɔorɛnɛrãre miojucõri ãmiquĩ. Ricare jata ãmigũ robo bajiro yiquĩ ĩ.

17 Ito bero ũmacũjɛ Dios ya wijɛ ángel gãji budiquĩ mɛcana. ĩ cɛni yoara jãĩ odiri jãĩ rɛcoquĩ.

18 Ito bero gãji ángel Diore ĩna soe ĩsotira casabo jea codegɛ budiquĩ. Odiri jãĩ rɛcogɛre sɛoro ado bajiro bɛsi ruyucuĩ:

—Macãrũcãro gaye uyé ñicoajũ ñja. Ito bajiri mũ ya yoara jãi odiri jãina jata ãmiña, yi bũsi ruyucuĩ yũ tũoja.

¹⁹ Ito ñ yija tũocõri, ñ ya yoara jãina adi sita ricare jata ãmiquĩĩ. ãmicõri iti ide bijerotijũ cũquĩĩ. “Masa ñna ñeñaro yirise ti junisinicõri bũto ñna tũbũjaroca yigũ yiguĩji Dios”, yireoni ñna iti. ²⁰ Cũto sũjũajũ ide bije ecocũ iti uyé. Iti bijeja riaca robo bajiro wacũ rí. Trescientos kilómetrocõ yoacũ itiya riaca. Cabaru ya wayugacõ ãcacũ itiya.

15

Jũa ãmojeno Dios ñaro gãna ñarise rũcorã

¹ Ito bero mũcana ãmacũjũ tiyamani guijorise ticũ yũ. Ángel mesa jũa ãmojeno ñarãre ticũ yũ. Ija rẽtaroti gaye jũa ãmojeno ñarise ñna rũcoja ticũ yũ. Iti ñnacũ masa ñna ñeñaro yirisere ti junisinicõri ñna tũbũjaroca Dios ñ yisũsaroti.

² Ito yija riaca jajosa ide ruyurisa, jea wũsarisa ticũ yũ. Itiya tũ masa jãjarã ñna rũgõja ticũ yũ. ñna ñnacã guijogũre, ito yicõri ñ rujũre bajiro masa ñna meni rujeorũre rẽtocũana. ñna ya riowecare guijogũ ya número wãñarã meje ñnacã ñna. Riaca jajosa ide ruyurisa tũ rũgõcã ñna. Arpa wame cõtirise basa ejabũare Dios ñ ñsire rũcocã ñna. ³ Moisés Diore moa ñsiri masũ ñayorũ ñ basayore basacã ñna. Oveja Macũre wanũrã ado bajiro basacã ñna:

Dios, mũ ñna rẽtoro masigũ. ñimũjũ gãji mũ robo masigũ mami. Jeyaro mũ rujeore ticõri, quenarise iti ñaja, ti wca gũa. Jeyaro mũ yirise quenarise ñna. “Ado bajiro yigũ yigũja

yu”, mu yija, yiro robo yigu ña mu. Co sita gãna ruyabeto, masa jeyaro Uju ña mu.

⁴ Noajua mare güimena mama ña. Ito yicõri noa mare rucubomema mama. Mu sigãti ña coji ñeñaro yilabicu. Queno mu yirisere ticõri, masa jeyaro mare rucuborã yirãji, yicã Oveja Macure basarã.

⁵ Ito bero umacũju Dios ya wi iti janaja ticu yu. Ito yicõri Dios i ñari sõa iti janaja ticu yu. ⁶ Itoju Dios ya wiju jua ãmojeno ángel ñarise rucorã ña budija ticu yu. Yutabuju ueri mani queno botirise sãñacã ña. Ito yicõri ña ya wẽñura wiro oro gaye ñacu. Usi riojocõ sasacu iti wiro. ⁷ Ito yija sigũ jumararã ñagũ tiñaña macu jua ãmojeno ángel mesare oro tãrori ñare i isija, ticu yu. Ija masa ña tãbujaroca Dios i yiroti dajacoacu iti tãroriju. Dios ñami catitĩñagũ. ⁸ I isirocati Dios i ñasarisena, i masirisena cani jea bueri bue dajacoacu Dios ya wi ija. Iti bueroca ñimujua sãjado manicu. Jua ãmojeno ángel mesa ñarise rucorãre masa ña tãbujaroca yi rotiqui Dios. Dios i rotiado bajiroti ña gajanoabeja ñimujua sãjado manicu Dios ya wiju maji.

16

Ñarise sãñari tãrori

¹ Ito bero oca seoro Dios ya wiju iti ruyuja tuocu yu. Ado bajiro jua ãmojeno ángel mesare busi ruyucu iti:

—Masa ña tãbujatoni mua rucori tãrori sita joere jio queoya. Iti ña, masa ña ñeñaro yirisere Dios i ti terise, yi ruyucu umacũju.

² Ito yija cajero gagu ángel i rucori tēro sita joe jio queoquĩ. Ito bajiro i yirocati gui jogu ya rуж bajiro ina meni rujeore rucubnocōri i wame wāñarāre ina ya rужire cami joeacu. Buto cuni junirise ñacu iti cami.

³ Ito bero jūarā ñagū ángel i rucori tēro riaca jajosaju jio roaquĩ. I jio roarocati, rí godo wedicu ide. Godaru rí robo bajirise ñacu iti. Riaca jajosa gāna ñarocōti goda jedicoacā.

⁴ Ito bero gāji udiarā ñagū ángel riacariju ide ũmaburi gojeriju cuni jio roaquĩ. Ito i yirocati rí godo wedicoacu iti riacari. ⁵ Ángel ide codegu ado bajiro busi ruyucuĩ:

—Dios, mu ña ñeñaro yiñabicu. Jane mejeju gagu ña mu. Ito yicōri adocāta gagu cuni ña mu. Masa ina ñeñaro yirisere ti junisinicōri rí godo wediroca mu yija, quena ña. ⁶ Mu ñarāre rí budiroca yicā ina. Ito yicōri ñare sīacā ina. Ito yicōri mare goti Isiri masare ito bajiroti yicā ina. Ito bajiri ina rí idiroca mu yija, ito bajiroti quena ñare, yi ruyucuĩ ángel ide coderi masu.

⁷ Ito yija bero Diore soe isira casaboju oca ruyucu:

—Riti ña. Ito bajiroti baja. Rētoro masigū ña yu ũju Dios mu. Nīmu gāji mare bajiro masigū mamí. Queno ti masigū ñari, masa ina ñeñaro yiadocōti riojo waja senia mu, yire oca ruyucu Diore soe isirā casaboju.

⁸ Ito bero juariarā ñagū ángel ũmacañi joere jio-jeoquĩ i rucori tērore. Ito bajiro i yirocati i asirisena masare soequĩ ũmacañi. ⁹ Ito bajiri buto masare soequĩ i. Ito bajiro i yibojarocati, ina ñeñaro yirise jidicābiticā ina. Ito yicōri Diore cuni rucubnobicā

ĩna. Ado bajirojua yicã ĩna. Dios ñarise rēto masigũre busitucã ĩna.

¹⁰ Ito yija bero co dũjamocõ ñagũ ángel ĩ rucori tēro guijogũ ĩ rotiri cumuro joe jiojeoquĩ. Ito ĩ yirocati guijogũ ĩ rotiri sitare, ito yicõri ĩ ñarãre cani ñarocõti rãitĩacoacu. Bũto juni wisirã ĩna ya ñemeroriti cuni canamucã ĩna. ¹¹ Ito bajibojaro-cati ĩna ñeñaro yirisere jidicãbiticã ĩna. ĩna cami cutiroca Dios ĩ yijare Diore busitucã ĩna.

¹² Ito yija bero co ãmojeno ñagũ ángel ĩ rucori tēro Éufrates wame cutirisaju jio roaquĩ. Ito ĩ yirocati riaca caracoacu, ũmacañi joejea wadiri dũja gãna ujarã ĩna ya surara rãca ĩna jēa watoni.

¹³ Ito yija bero rũmũa udiarã tũja robo bajirã ticũ yũ. Sīgũ jino robo bajigũ ya risejũ budirũ ñaquĩ. Gãji guijogũ ya risejũ budirũ ñaquĩ. Gãji, “Diore goti ĩsiri masũ ña yũ”, yibojagũ ya risejũ budirũ ñaquĩ. ¹⁴ ĩna rũmũa udiarã ñacã, tiyamani ĩosotiana. Adi sita gãna ujarã ñarocõti minijuacõri ĩna gãmeri tãroca yicã ĩna. Iti ñaro yiroja masa ĩna ñeñaro yirise waja jeyaro masigũ Dios ĩ senisũsari rũmũ. ¹⁵ Jesucristo ĩ godaroto riojua ado bajiro yiyijũ ĩ: “Queno tũoĩaña mũa. ‘Itocõ ejagũ yigũja yũ’, yibicuti, riniri masũ ĩ ejaro bajiro ejagũ yigũja yũ. No yũ ejaroti gayere bocatirã, wanũ quenarã yirãji ĩna. ĩna ya yutabujuri rãca ñacãrã bajiro bajirã yirãji ĩna. Wasoro macũ gãjerã riojo bojogũ bajiro meje bajirã yirãji ĩna. Yũre bocati yucãrã ñari wanũ quenarã yirãji ĩnama”, yiyijũ Cristo ĩ godaroto riojua. ¹⁶ Ujarã minijuacõri ĩna gãmeri tãrijũ Armagedón wame cutirijũ ñacu Hebreo ocana.

17 Ito yija bero juağa ãmojeno ñagũ ángel ĩ rucori tẽro ũmacũjũ jio batequĩ. Ito ĩ yirocati ũmacũjũ Dios ya wi oca sẽoro oca ruyucũ. Dios ĩ rotiri cumurojũ ado bajiro oca ruyucũ:

—Itocõti ña ĩja, yire oca ruyucũ.

18 Ito yirocati bũjo borea yirise ñacũ. Ito bero bũjo bũsiquĩ. Ito yicõri guijorise ruyucũ. Ito yicõri sita bũto uesũ. Adi sita gãna masa ĩna ñaroca uere rẽtoro uesũ. 19 Iti uerocati jaja cuto Babilonia wame cutiri cuto udiajũjũ bata rũgũcũ. Ito bajiroti adi macãrucũro gaye cutori sita uerisena ruyuriocõcũ. Babilonia gãna ĩna ñeñaro yirere masi bũjaquĩ Dios. Ito bajiri ĩnare junisinigũ ĩna ñeñaro yire waja ĩna tõbũjaroca yiquĩ Dios. 20 Ito bajiroti ruja yogari cuni, gũta yucari cuni goda jedicoacũ. 21 Ito yija bero ũmacũjũ gaye ide bũra kujiri quedicũ. Cuarenta kilos rucũrisecõ ñacũ iti. Iti ĩnare quedí ejarise tõbũjacõri bũto ñeñaro Diore bũsitucã masa.

17

Wedi maso iso tõbũjare gaye

1 Ito yija jua ãmojeno ñagũ ángel rujatẽro rucogoru yũ tũ ejaquĩ. Ejacõri ado bajiro gotiquĩ yũre:

—Adojũa waya. Bũto wedi maso ñeñaro iso tõbũjaroti gaye mũre ĩorocũ ya. Iso ñamo riaca jajosa gaye ide joe rujigo. 2 Adi sita gãna ujarã ñeñaro yirã ñari iso rãca aje ñacã ĩna. Adi sita gãnare ĩna ñeñaro yitoni uyé ide iocõri ĩna ñeñaro yiroca yigo bajiro usirio codecõ iso, yiquĩ ángel yũre.

3 Yũ cãirojũ Espiritu Santo ĩ ĩore ado bajiro rõtacũ. Sĩgũ ángel yucũ manojũ yũre ãmi waquĩ. Itojũ ejacõri guijogũ sũagũ joe romio iso jesaja ticũ yũ.

Dios ï ti terise wame wãñacu ïre. Jua ãmojeno rijogari cutiquĩ ï. Ito yicõri jua ðujamocõ saburi cutiquĩ ï. ⁴ Saya iso sãñarise sãa ñirise, ito yicõri buto sũarise cuni ñacu. Iso seyorise jaje gajeoni cuticõ iso. Iti ñacu oro, gaje gũta buto waja cutirise, gaje perla wame cutirise. Iso ya ãmo oro tẽro rucocõ iso. Iti tẽrojua ñeñaro iso yirise sãñacu. Ñeñaro iso ãmua rãca yi ajerise sãñacu iti tẽrojua. ⁵ Iso ya rioweca tũo masia mani wame wãñacu. Ado bajiro bajicua iti wame: “Jaja cuto Babilonia wame cutigo ñamo adio. Wedi masa romia jaco ñamo adio. Ito yicõri ñeñarise jeyaro jaco ñamo adio”, yireoni ñacu iso ya rioweca wãñarise. ⁶ Ito yija, “Adioti ñamo Dios ñarãre sãa rotigo. Jesure jidicãmenare sãa rotigo ñamo. Ñare rí buditoni mecucõri sãa rotigo ñamo adio”, yi ti masicua yua. Itire ti masicõri mano ti ucacua yua.

⁷ Ito bajiro yua baji ñaroca ado bajiro gotiquĩ ángel yure:

—¿Ñere ti ucati mua? Iso mua tiro, “Ado bajiro yireoni ñati adi”, mua yi masitoni mure goti rõtobugua ya yua. Guijogua jua ãmojeno rijogari cuticõri jua ðujamocõ saburi cutigua isore ãmi waja mua tirua, “Ado bajiro yireoni ñati adi”, mua yi masitoni mure goti rõtobugua ya yua. ⁸ Guijogua mua tirua iti rãmujua catiquĩ maji. Adocãtama ruyubeami ñja. Ito bajiro bajibojaguti Dios ïre ruyuriosaroto riojua susabiti gojena joejea mujua wadigua yiguñji. Ñ joejeaja ticõri, ïre ti ucara yirãji masa. Ña ñarã yirãji macãrucũro Dios ï rujeoroto riojujua papera tuti ucagua, “Adocõ ñama catitĩñarã”, ï yi ucabitiana. Guijogua iti rãmua catigoga, mucana tũdi ï catija ticõri, ti ucara yirãji

masa jeyaro.

⁹ 'Jijɛ yɛ mɛre gotirise queno mɛ tɔo masi ɔmoja, queno tɔoya. Jɛa ɔmojeno rijogari cɛtigɛ mɛ tirɛ, gɔta yucɛri jɛa ɔmojeno yucɛri bajiro bajia iti. Iti yucɛri ña, wedi maso iso rujirijɛ. ¹⁰ Gaje i ya rijogari jɛa ɔmojeno ɛjarɔ bajiro bajia. Co dɛjamocɔ ɛjarɔ ñabojana goda jedicoama. Ina bero gagɛ co ɔmojeno ñagɛ adocɔta masare rotigɛ yami. I bero gagɛ jɛa ɔmojeno ñagɛ ruyubeami maji. Ija ejacɔri masare rotigɛ yiguɔji i. Ito bajiro yibojaguti yoari ñabicɛ yiguɔji i. ¹¹ Ina bero rotigɛ ñagɛ yiguɔji guijogɛ sɔagɛ iti rɛmɛ ñagorɛ. I ñagɛ yiguɔji sɔgɛ co dɛjamocɔ ñarɔ godabojaguti mɛcana tɛdi catirɛ. I tɛdi catija bero ire ruyuriosagɛ yiguɔji Dios ija.

¹² 'Jɛa dɛjamocɔ saburi mɛ tire, jɛa dɛjamocɔ ñarɔ ɛjarɔ bajiro bajia iti. Masare rotisɔbeama ina maji. Ija guijogɛ sɔagɛ rɔca rotirɔ yirɔji ina. Ito bajibojarocati yoari mejeti rotirɔ yirɔji ina. ¹³ Ina jɛa dɛjamocɔ ɛjarɔ ñabojarɔti sɔgɛre bajiroti tɔoɔarɔ ñarɔ yirɔji ina. Ito bajiri guijogɛ sɔagɛre rotiri masɛ cɔrɔ yirɔji ina. ¹⁴ Sɔgɛre bajiro tɔoɔacɔri Oveja Macɛ rɔca gɔmeri tɔrɔ yirɔji ina. Ito bajibojarocati ijɛa ñare rɛtocɔgɛ yiguɔji. Gɔjerɔ ñasarɔ rɛtoro ñasagɛ ñami i. Ito yicɔri gɔjerɔ ɛjarɔ ɛjɛ rɛtoro ñasagɛ ñami i. I rɔca gɔna Dios i beseana ñama ina. Ito yicɔri ire tɔorɔnɛ jidicɔmena ñama ina. Ito bajiri ina ɔjɛ Oveja Macɛ rɔca gɔjerɔre rɛtocɔrɔ yirɔji ina, yiqui ɔngel yɛre.

¹⁵ Ito yija gaje ado bajiro gotiqui ɔngel yɛre:

—Riaca jajosa joe wedi maso iso rujirise mɛ tija, masati ña iti. Co cɔto rɛyabeto gɔna, co masa butu rɛyabeto gɔna, co oca rɛyabeto busirɔ, ito yicɔri

co sita ruyabeto gãna ñama ñna mu tirise. ¹⁶ Jua ðujamocõ ujarã guijogu sũagũ rãca mu tiana, wedi masore ti tudirã yirãji ñna. Saya manoti sigõti isore wagorã yirãji ñna. Ito yicõri tudi iso ya rujure barã yirãji ñna. Ito yicõri iso ya gõarire jeana soe ruyuri-orã yirãji ñna. ¹⁷ Ñãmorise rõtatonì, “Ado bajiro yiana mani”, yi ñna tuoïaroca yigu yiguñji Dios. Sigũre bajiro tuoïacõri guijogu sũagũre uju cũrã yirãji ñna. Ito bajiro ñna yija Dios ñãmorõ bajiroti rõtaro yiroja. ¹⁸ Wedi maso mu tiro, cuto jaja cuto robo bajiro bajia iti. Iti cuto gagu uju gaje cutori gãna ujarãre roti ñagũ yiguñji ñ, yiqui ángel yure yu cãiroju.

18

Babilonia cuto gãnare gãjerã ñna rõtocũre gaye

¹ Ito yija bero ùmacũjuna gãji ángel ñ ruji wadija ticu yu mucana. Buto roti masigũ ñaqui ñ. Buto yogu ñ ñajare adi sita busu jedicoacu. ² Oca seoro ado bajiro awasãqui ñ:

—Jaja cuto, Babilonia wame cutiri cuto ñabojara cuto ñeñacoaju ñja. Iti cuto gãna masa goda jedicoama ñna. Rũmũa cuto ña ñja. Ito yicõri masa ñna busigore, wujo cutiri cuto ña ñja. Wutirã buorise barã ñna ñaro ña ñja. ³ Ado robojua bajia: Babilonia cuto gãna buto ñeñaro ñna yirise ticõri, ñeñaro yicã gãjerã cuni. Ito yicõri adi sita gãna ujarã Babilonia cuto gãna wedi masa romia rãca ñeñaro yicã ñna. Babilonia cuto gãna buto ñna gajeoni ñmojare ñnare gajeoni ñsicõri queno bujacã gaje cutori gãna. Ñeñaro tuoïarã ñari ito bajiro riti ñeñarise yicã Babilonia cuto gãna. Ito bajiro ñna bajija ticõri, ñnare ruyuriogu yiguñji Dios, yiqui ángel yure yu cãiroju.

⁴ Ito yija m̄ucana ũmacũju oca ruyucu yure. Ado bajiro goti ruyucu iti:

—Iti cutore budigoya yu ñarã m̄ua. Iti cuto gãna rãca ñabesa. Ito yicõri ñna rãca ñeñaro yibesa. Ñna rãca ñeñaro m̄ua yija, ñna tũbujado robo bajiro ñeñaro tũbujarã yirãji m̄ua cuni. ⁵ Iti cuto gãna jaje ñeñaro yicã. Ñna ñeñaro yirise mio cũñaja, macãrucũroju tuacoaroja. Ñna ñeñaro yirise ere tuo bujacoami Dios. Ito bajiri iti waja ñna tũbujaroca yigu yiguñi ñ. ⁶ Gãjerãre ñeñaro ñna yire waja, buto busa ñeñaro tũbujajaro ñna cuni. Ñna ñeñaro yire waja juajiricõ ñnare waja senijaro Dios. Gãjerãre tũbujaroca ñna yire rẽtoro tũbujajaro ñna. ⁷ Iti cuto gãna jaje gajeoni cutirã ñnama ñna. Dise ruyabeto ñna ñnare. “Ujarã ñna mani”, yibojama ñna. “Ñejua tũbujamenaji mani”, yibojama ñna. “Manuju godagoana bajiro bajirã meje ñna mani. Queno ñnacã mani”, yibojama ñna. Gãjerãre tũbujaroca ñna yiado bajiroti tũbujarã yirãji ñna cuni. ⁸ Ito bajiri yoari mejeti ñnare ñna tũbujaroca yigu yiguñi Dios. Babilonia gãna coriarã ñnarena godarã yirãji. Gãjerã ñiona godarã yirãji. Gãjerã jeana soe ecorã yirãji. Gãjerã buto bojori bujarã yirãji. Rẽtoro masigũ ñnari ito bajiro ñna tũbujaroca yigu yiguñi Dios, mani Uju. Ñna ñeñaro yirise waja iti cutore soe jeogu yiguñi Dios, yire oca ruyucu yure, yu cãiroju.

⁹ Iti cuto bueja ticõri, adi sita gãna ujarã buto otirã yirãji ñna. Ito yicõri buto bojori bujarã yirãji ñna. Ñna ñnarã yirãji ñna rãca buto ñeñaro yi wanuana. ¹⁰ Ñna rãca tũbujã ãmomena sõjuti tujarã yirãji ñna, itire güirã. Ado bajiro yirã yirãji ñna:

—Aba, jaja cuto, ñabojara cuto ʘa godacoajʘ ʘja. Gaje cutori rētoro ñasari cuto ñabojacʘ iti cuto. Adocātama ruyubea ʘja. Iti cuto gāna ñeñaro ʘna yirise waja yoari mejeti godacoajʘ iti cuto, yirā yirāji adi sita gāna ʘjarā, yi ruyuquĩ Dios ñaro gagʘ yʘ cāirojʘ.

¹¹ Adi sita gāna gajeoni ʘsiri masa cʘni iti cuto ʘaja ticōri, bʘto otirā yirāji ʘna. Ito yicōri bojori bʘjarā yirāji ʘna. “Ñimʘ mani gajeoni āmi warise boca āmigũ mami”, yirona bʘjatomena yirāji ʘna. ¹² ʘna ʘsi āmobjare adocō jaje tujaro yiroja: oro gaye, plata gaye, gũta bʘto waja cutirise gaye, perla gaye, saya bʘto waja cutirise, saya gosirise, saya sũa ñirise, saya bʘto sũarise cʘni, ito yicōri yucʘ queno sʘti quenarise gaye, marfil wame cutirisena ʘna menire gaye, yucʘ queno waja cutirise, come bronce wame cutirise, comena ʘna menire gaye, itocō jaje tujaro yiroja ʘna ʘsi āmobjare. ¹³ Gaje ʘna ʘsi āmobjare adocō ñaro yiroja: canela wame cutirise baja sʘti quenarise, bia moa, ẽo gʘje soeja sʘti quenarise, mirra wame cutirise, gaje sʘti quenarise, ʘyẽ ide, ʘye roa bare, trigo ajeri, trigo ajeri ʘna abore cʘni, ta wecʘa, oveja, cabarua, tunuricorori, ito yicōri ʘna josare cʘni ʘsi āmobjarā yirāji ʘna. Ito bajibojarocati ñimʘjʘa ʘna ya gajeoni boca āmigũ manija, bojori bʘjarā yirāji ʘna. ¹⁴ Babilonia cuto gāna ñabojanare tʘoĩarā, ado bajiro yirā yirāji ʘna:

—Babilonia gāna ñabojana jeyaro gajeoni ʘna wanʘbojacati ʘa jedicoajʘ ʘja. Bʘto waja cutirise, bʘto seyorise ʘna rʘcobjare cʘni ʘa jedicoajʘ. Ito bajiri mʘcana tʘdi goabetoja iti, yirā yirāji gajeoni ʘsi ucuri masa.

15 Īna ñarã yirãji Babilonia gãna ñabojanare gajeoni ĩsicõri jairo niyeru b̃jajana. Ito bajiri iti cuto ɥaja ticõri, otirã yirãji ĩna. Ito yicõri bojori b̃jarã yirãji ĩna. Sõju ti r̃gõrã yirãji ĩna, ĩna rãca tõb̃ja ãmomena. 16 Ito ti r̃gõcõri ado bajiro yirã yirãji ĩna:

—Aba, b̃jato baja Babilonia jaja cuto ñabojara cuto. Iti rum̃ju romio seyogo robo bajiro ñabojacu iti cuto. Saya quenarise sãñagõ, s̃ua ñirise, s̃uarise cani sãñagõ robo bajiro ñabojacu iti cuto. Oro gaye, g̃ta waja cutirise, perla wame cutirise gajeoni cutigo robo bajiro ñabojacu iti cuto maji. 17 Ito bajibojarocati yoari mejeti iti cuto gaye rãca gajeoni ɥa godacoaju ĩja, yirã yirãji gajeoni ĩsi ucuri masa.

Cuma b̃c̃ua ɥjarã, weaturi masa, moari masa, wa ucuri masa cani sõju tujacõri, ti jayarã yirãji ĩna. 18 Ito cuto ɥare, iti bueja ticõri, ado bajiro awasãrã yirãji ĩna:

—Iti cuto robo bajiro gaje cuto quenari cuto manicu, yi awasãrã yirãji ĩna.

19 B̃to bojori b̃jacõri ĩna ya rijoga joe sita r̃na jeorã yirãji ĩna. Ito yicõri awasã otirã yirãji ĩna:

—Aba, b̃jato baja Babilonia ñabojara cuto. Jaja cuto ñabojacu iti cuto. Mani cumari cutirã ĩnare gajeoni ĩsicõri niyeru jaje b̃jabojacu mani. Yoari mejeti iti cuto ɥa jedicoaju, yirã yirãji cumari ɥjarã, yi ruyucuĩ ángel ỹ cãiroju.

20 Gaje ado bajiro yi ruyucuĩ ĩ:

—Iti cuto ɥaja ticõri, wañña ũmac̃ju ñarã m̃a. M̃a ĩ oca gotitoni Cristo ĩ c̃ana, Diore goti ĩsiri masa m̃a cani, ito yicõri m̃a Dios ñarã ñarocõti wañña m̃a. Iti cuto gãna m̃a tõb̃jaroca yicã ĩna.

Ito bajiri iti waja adocāta tōbujama ĩna cuni. ĩna cuture ruyurioquĩ Dios. Ito bajiri wanũña ma, yi ruyuquĩ ángel yu cãiroju.

²¹ Ito yija sīgũ ángel sēogũ ticu yu. Gūtagã jajoca ĩ ami ma rügōja ticu yu. Wãñiara gūtagãcō jajoca ñacu itiga. Itigare ãmicōri, riaca jajosaju cōa roaquĩ ĩ. Ito yicōri ado bajiro yiquĩ ĩ:

—Gūtagãre yu cōaro bajiroti, Babilonia cuture cōa roa ruyuriogu yiguĩji Dios. Ito bajiri jaja cuto ñabojara cuture macana tãdi juaji timena yirãji masa. ²² Iti cuto gudareco arpa wame cutirise basa macana tãdi juaji ruyubeto yiroja. Seru basa, trompeta basa cuni macana tãdi juaji ruyubeto yiroja iti cuto gaye. Iti cuto moari masa ñagoana macana tãdi moamena yirãji ĩna. Wãñiara gūta gaye ĩna moaja, juaji ruyubeto yiroja. ²³ Iti cuto gaye jeobusuora tuturi ñabojare tãdi yobeto yiroja. Ito yicōri amo siare basa ĩna menija, t̃oyamano yiroja. Iti cuto gãna gajeoni ĩsiri masa gãjerã rētoro ñasarã ñabojacã. Iti cuto gãna masa jeyarore, “Maare rojabe gu”, yi ruocã ĩna, yiquĩ gūtagã jajoca cōa roagu, yu cãiroju.

²⁴ Iti cuto gãna Diore goti ĩsiri masare sĩañi ĩna. Ito yicōri ĩ ñarãre cuni sĩañi ĩna. ĩna ñañi, “Diore t̃or̃ñur̃ãre sĩaña”, yiana. Ito bajiro ĩna sĩa rotijare b̃uto seti ña ĩnare.

19

¹ Ito yija bero jãjarã ũmacũju oca sēoro ĩna busija t̃oc̃u yu. Ado bajiro yi ruyucã ĩna:

Aleluya, Diore r̃c̃ub̃oto mani, yi ruyucã ĩna. Dios mani ũju, ĩ ñami manire masoru. ĩ ñami rētoro ñasagu, ito yicōri rētoro masigũ.

² Masa ñna ñeñaro yirise waja ñ senija, riojo ñna yiado bajiroti seniami ñ. Wedi maso ñabojarore ruyurioquĩ ñ. Adi sita gñare ñna ñeñaro yitoni usirioro yi codecõ iso. Ito yicõri Diore moa ñsiri masare sñacõ iso. Ito bajiro iso yija ticõri, iti waja isore ruyurioquĩ ñ, yi busi ruyucã ñna ñmacãjũ.

³ Mucana tãdi ado bajiro busi ruyucã ñna:

—Aleluya, Diore rucubũoto mani, yi ruyucã ñna. Babilonia cuto uare bueri mña jedibeto yiroja, yi ruyucã ñna.

⁴ Ito bajiro ñna yirocati ujũ ya cumuro Dios ñ rujiro riojo rijomunigãna ñini rñjũcã veinticuatro ñarã bucãrã. Ito yicõri jmariarã tñña mana cãni ito bajiroti rijomunigãna ñini rñjũcã ñna. Diore rucubũorã ado bajiro yicã ñna:

—Ito bajiroti ñajaro. Aleluya, Diore rucubũoto mani, yi ruyucã ñna.

⁵ Ito yija bero ujũ ya cumurojũ oca ruyucũ:

Mani Ujũ Diore rucubũoto mani. Mña Diore moa ñsirã ñre rucubũoya. Mña ñasarã, ñsamena cãni Diore gũirã rucubũoya mña, yi ruyucũ ujũ ya cumurojũ.

Oveja Macũ robo bajigure ñna basa jeore gaye

⁶ Ito yija bero jãjarã ñna busiro robo bajiro ruyucũ. Ito yicõri riacari ñmayuro robo bajiro ruyucũ. Ito yicõri bũjo ñ busirise robo bajiro ruyucũ. Ado bajiro ruyucũ iti:

Rẽtoro masigũ ñami mani Ujũ Dios. Ñimũ gãji ñ rẽtoro masigũ mami. Mani Ujũ ñarocũ ñacãmi ñja. Aleluya, ñre rucubũoto mani ñja.

⁷ Oveja Macu ĩ ãmo siaroti rꝑmꝑ ejacoajꝑ ĩja. Ito bajiri wanꝑcõri wanꝑ quenato mani, ñasagꝑ ĩ ñajare. ĩre rꝑcꝑbꝑoto mani. ĩ manojꝑ ñaroco ña yucãmo iso.

⁸ Saya Ɂeri mani botirise iso sãñaroca yiquĩ Dios isore, yi ruyucꝑ oca, yꝑ cãirojꝑ. Iso ya saya Ɂeri mani yꝑ tire, “Queno yirã ñama Dios ñarã”, yireoni ña iti.

⁹ Ito yija ángel ado bajiro yꝑre rotiquĩ:

—Mꝑre yꝑ gotirise ucaya: “No Oveja Macu ãmo siare basa goti ecoana wanꝑrã yirãji ĩna”, yi ucaya mꝑ, yiquĩ ángel yꝑre.

—Iti yꝑ bꝑsirise, Dios oca riojo ñasarise ña iti, yiquĩ ángel yꝑre.

¹⁰ Ito ĩ yijare, ĩre rꝑcꝑbꝑogꝑ ĩ riojo rijomunigãna ñini rꝑjꝑcꝑ yꝑ. Ito bajiro yꝑ yijare ado bajiro gotiquĩ ĩ yꝑre:

—Ito bajiro yibesa. Mꝑre bajiroti Diore moa ĩsigꝑ ña yꝑ cꝑni. Mꝑ rãca gãna Jesús oca riojo ñasarise tꝑorꝑnꝑ jidicãmena bajiro bajigꝑ ña yꝑ cꝑni. Ito bajiri yꝑre rꝑcꝑbꝑobesa. Diore mꝑ rꝑcꝑbꝑoja quena, yiquĩ ángel yꝑre.

Oca riojo ñasarise Jesús gotire iti ña jane mejejꝑ Diore goti ĩsiri masa ĩna goti yꝑre.

Cabaru botigꝑ joe jesagꝑ gaye oca

¹¹ Ito yija bero ũmacꝑjꝑ iti janaja ticꝑ yꝑ. Iti janaroca cabaru botigꝑ ĩ goaja ticꝑ yꝑ. Sĩgꝑ ĩ joe jesaquĩ. Ado bajiro wame cꝑtiquĩ ĩ, “Yiro Robo Yigꝑ, Riojo Gotigꝑ”, wame cꝑtiquĩ ĩ. Masa ĩna ñeñaro yirise waja ĩ senija ĩna yiado bajiroti senigꝑ ñaqui ĩ. ĩ wajanare ĩna tõbꝑjaroca ĩ yi ãmoja, ĩna yiado bajiroti ĩna tõbꝑjaroca yigꝑ ñaqui ĩ. ¹² ĩ ya

cajea jea ñjuriŕise robo bajiro yocũ. Ĩ ya rijogajũ jaje come bedori jesaquĩ ĩ. Ĩ ya rioweca wame ñacũ. Ĩ sĭgũti masiquĩ iti wamere. ¹³ Rĭna ñioado yutabuju sãñaquĩ ĩ. Dios oca goti rĕtobugũ wame, wame cutiquĩ ĩ. ¹⁴ Ũmacũjũ gãna surara ĩ rãca gãna ĩre sũyacã. Yutabuju ueri mani botirise sãñacã ĩna. Ito yicõri cabarua botirã joe jesacã ĩna. ¹⁵ Rĭna ñioado sãñagũre ĩ ya risejũ sarera jã budicũ, buto odiri jã. Iti jã ñacũ ĩre tuorũnumenare ĩna tũbũjaroca ĩ yiroti jã. Dios ĩ cũrũ ñari sĕoro roti masigũ yiguĩji ĩ. Masa ĩna ñeñaro yirise waja senigũ, sĭgũ uyé ide amogũ ĩ moa abojioro robo bajiro yigũ yiguĩji ĩ. Masa ĩna ñeñaro yirisere ti tecõri ĩna tũbũjaroca yirocũre sarera jã risejũ budigũre cũgũ yiguĩji Dios. Dios ñami rĕtoro masigũ. Ñimũjũ gãji ĩ robo masigũ maquĩji. ¹⁶ Ĩ ya risejũ sarera jã budigũ ado bajiro wame cutiquĩ ĩ. Ĩ ya yutabujũre ito yicõri ĩ ya sagarojũ cũni ado bajiro wame wãñaquĩ: “Ăni ñami ñari masa rĕtoro ñasagũ. Ăni ñami ujarã uju rĕtoro ñasagũ”, yire wame wãñacũ ĩre.

¹⁷ Ito yija bero sĭgũ ángel ũmacañi joe ĩ rũgõja ticũ yũ. Yuca ũmacũjũ wũtirãre ado bajiro oca sĕoro busi ruyuquĩ ĩ:

—Minijuacõri, barã waya mũa. Sũsari rũmũ Dios ĩ masare sĭanare barã waya. ¹⁸ Ujarã, surara ujarã, ũmũa sĕorã, cabarua, ĩna joe jesarãre cũni queno ĩna amoro ñarãre, gãjerãre moa ĩsirã, ñasarã, ñasamenare cũni ĩna ya rire barã yirãji mũa, yi ruyuquĩ ángel yũ cãirojũ.

¹⁹ Ito yija bero guijogũ sũagũ, adi sita ujarã ĩna surara rãca ĩna minijuaja ticũ yũ. Cabaru joe jesagũ ĩ ya surara rãca gãmeri tãrona minijuacã

ĩna. ²⁰ Guijogũ sũagũ rãca gãmeri tãcõri ĩre tubiaquĩ cabaru joe jesagũna. “Yũ ña Diore goti ĩsiri masũ”, yibojagũre cãni tubiaquĩ ĩ. ĩ ñaquĩ guiijogũ sũagũ tiro riojo tiyamani yicacũ. Tiyamani ĩocõri masare rãoquĩ ĩ. ĩ rãorisere tãorũnãcõri guiijogũ wame wõ roticã ĩna. Ito yicõri gãjiõcã rujũ robo bajiro ĩna meni rujeogũre rũcũbũocã ĩna. Guijogũ sũagũre, ito yicõri, “Diore goti ĩsiri masũ ña yũ”, yibojagũre cãni ĩna catirocati itajura jeame ãjũritajũ ĩnare cõa roaquĩ cabaru joe jesagũ. Azufre wame cãtirisena bũto ãjũcũ iti jeame. ²¹ Ito yicõri gãjerãreama cabaru joe jesagũ ĩ ya risejũ sarera jãĩ budiri jãina ĩnare sãaquĩ ĩ. Ito bajiri yuca ĩna ya rire ĩna ãmoro bajiroti queno ba yajicã ĩna.

20

Mil ñari rodori gaye

¹ Ito bajija bero ado bajiro bajicũ gaje yũ cãija. Sĩgũ ángel ũmacũjũna ĩ ruji wadija ticũ yũ. Sũsabiti goje soje janado, ito yicõri come ma rũcõcõri ĩ ruji wadija ticũ yũ. ² Ruji ejacõri jino robo bajigũre ñiaquĩ ĩ. ĩ ñaquĩ jane mejejũ jino godo wedirũ. Ito yicõri ĩti ñaquĩ rũmũa ãjũ Satanás wame cãtigũ. Jino robo bajigũre ñiacõri come mana ĩre siaquĩ ángel. ³ Sũsabiti gojejũ ĩre cõa sãaquĩ ĩ. Itojũ mil rodoricõ ĩre cũquĩ ĩ. Masare rũobe yirocũ, ito bajiro bia rojoquĩ ĩ. Ito yicõri, gãjerã janame yirocũ, iti goje biadore wame wõquĩ ĩ. Mil rodori iti jedija bero ĩre bucõagũ yiguĩji jabeto.

⁴ Ito yija bero ãjũ ya cumurori ticũ yũ. Masa ĩna ñeñaro yirise cõĩacõri waja senirona rujicã iti cumurorijũ. Iti masa cũñi Dios ĩnare. ãmũma jata

ecoana ya usi ticu yu. Dios ocare ina riasojare, Jesure ina jidicãbejare amama jata ecoana nacã ina. Guijogure rucubuoana meje nacã ina. I ya ruju robo bajiro meni rujeore rucubuoana meje nacã ina. Ito yicõri i wame ina ya rioweca ina ya amori cuni wõ ecoana meje nacã ina. Ina tãdi catija ticu yu. Ito yicõri mil rodoricõ Cristo rãca roti nacã ina. ⁵ Ina nacã Cristo narã sã ecoana cajero tãdi catisuana. Gãjerãma godana mil rodori iti jediroto riojua tãdi catibiticã ina maji. ⁶ Ina cajero mucana tãdi catiana buto wanu quenarã yirãji. Diore queno cãdirã narã yirãji ina. Mucana tãdi juaji godamena yirãji ina. Jeame ujuroju inare cõabicu yiguji Dios. Paia robo bajiro Diore moa isirã yirãji ina. Cristore cuni ito bajiroti yirã yirãji ina. Ito bajiri mil rodoricõ Cristo rãca roti narã yirãji ina.

Rãmúa ujure ina bucõare gaye

⁷ Mil rodori iti jedija bero rãmúa ju Satanás bucõa ecogu yiguji. ⁸ Ire ina bucõaja bero masa jeyarore ru ucogu yiguji i. Gog wame cutiri cuto gãnare, ito yicõri Magog wame cutiri cuto gãnare cuni ruogu yiguji i. I ruorisere tuocõri minijuarã yirãji ina, gãmeri tãrona. Jãjarã narã yirãji ina. Ja sita cõãja jedibiti robo bajiro narã yirãji ina. ⁹ Masare sãrona adi sitajure batarã yirãji ina. Dios narãre gãni biarã yirãji ina. Ito yicõri cuto Dios i mairi cutore gãni biarã yirãji ina. Ito bajiro ina yibojaro-cati umacujua inare jea cõagũ yiguji Dios. Ito yicõri ñajediro soe jeocõgũ yiguji inare. ¹⁰ Ito yija bero rãmú inare ruore itajura jeame ujuritaju ire cõa roagu yiguji Dios. Azufre wame cutirisena ujurita

ñaro yiroja itira. Itira ñaroja guijogu sũagũre, ito yicõri, “Diore goti ãsiri masũ ña yũ”, yibo jagũre Dios ã cõarada. Itoju ãmũa, ñami cuni tõbũjatĩñarã yirãji ãna.

Masa ãna ñeñaro yirise waja Dios ã senisũsare gaye

¹¹ Ito yija bero mũya ya cumuro botiri cumuro ticũ yũ. Ito yicõri iti cumuroju rujigũre ticũ yũ. Yũ tiro riojo adi sita, macãrũcũro cuni godacoacũ. Ito yicõri tũdi joejeabiticũ. ¹² Godana Dios riojo ãna rũgõja ticũ yũ. Ñasarã, ñasamena cuni ñacã ãna. Ito ãna rũgõroca papera tutiri janaquĩ Dios. Iti papera tutirijũ masa jeyaro ãna yigore wãñacũ iti tutirijũ. Ito bajiri itire ticõri godana ãna yiado bajiroti ãnare besequĩ Dios. Ito yija gaje tuti papera tuti janaquĩ Dios. “Adocõ ñama yũ rãca ñatĩñarona”, yire gaye wame wãñacũ iti tutijũ. ¹³ Riaca jajosaju godabojana mũcana tũdi mũjacoacã ãna. Ito yicõri godana sita wato ñabojana tũdi mũjacoacã ãna. Ito yicõri ãna ñarocõreti ãna yiado bajiroti besequĩ Dios. ¹⁴ Ito yija bero masa cõcõri ãna godarise, ito yicõri godana ãna ñaroju cuni iti ñarisere ãmicõri jea ãjũritaju itire cõa roaquĩ Dios. Itira jeame ãjũrita ña godasarada. ¹⁵ “Adocõ ñama yũ rãca ñatĩñarona”, yire gaye ã ya tutijũ wãñamenare besecõri ãna ñarocõreti jea ãjũritaju cõa roaquĩ Dios.

21

Macãrũcũro tamaro ñare gaye

¹ Ito yija bero macãrũcũro mame, sita mame iti ñaja ticũ yũ. Dios ã wasoare ñari seyocũ iti. Macãrũcũro bũcũro ñasũbojacati, sita

ñasɔbojacati cɔni godacoacɔ ïja. Ito yicõri riaca bɔcɔyari manicɔ. ² Ito yija bero yɔ Juan, ñejɔa ñeñarise mani cɔto mame Jerusalén wame cɔtiri cɔto iti ruji ejaja ticɔ yɔ. Dios ï ñarɔjɔna ruji wadicɔ iti cɔto. Iti cɔto queno quenora cɔto ñacɔ. Romio ãmo siaroco saya sãña yucãdo robo bajiro seyori cɔto ñacɔ iti cɔto. Iti cɔto queno yucãquĩ Dios, ï ñarã ïna ñatoni. ³ Ito yija yɔ cãirojɔ ãmacãjɔ oca sɛoro ruyucɔ:

—Tiya. Adocãta masa rãca ñami Dios. Masa rãca ñagũ ï ñajare ï ñarã ñarã yirãji ïna. Masa rãca ñacõri ïna Ʋjɔ ñagũ yiguĩji ï. ⁴ ïna ya yago idere wejacãgũ yiguĩji Dios. Ito bajiri wanɔ quenatĩñarã yirãji ïna. Ito bajiri godamena yirãji masa ïja. Ito yicõri otimena yirãji ïna. Bojori bɔjamena yirãji ïna. Junirise mano yiroja ïnare. Iti ramɔ bajigore iti rɛta jedijare ito bajiro bajirã yirãji ïna, yire oca ruyucɔ ãmacãjɔ.

⁵ Ito yija ɔjɔ ya cumuro rujigɔ ado bajiro yi ruyucuĩ ï:

—Ñajediro bɔcɔ ñabojare mame riti wasoacɔ yɔ, yi ruyucuĩ ï.

Ito bajiro yicõri ado bajiro gaje gotiquĩ yɔre:

—Mɔre yɔ gotirise ucaya. Yɔ mɔre gotirise riojo gotire ña. “Ito bajiro bajiro yiroja”, yi masigũ yigɔja mɔ, itire tɔocõri. Ito bajiri itire ucaya, yi gotiquĩ yɔre.

⁶ Bero mɔcana ado bajiro yiquĩ yɔre:

—Itocõti ña. Ñacã ïja. Yɔna sɔoritɔ jeyaro ñasɔoyija. Ito yicõri yɔna sɔoritɔ jeyaro ñasɔsaro yiroja. A wame ñasɔrise, ito yicõri Z wame ñasɔsarise robo bajiro bajigɔ ña yɔ. Yɔ ña ñajedirore

rujeorũ. No yũre ide idi ãmorã ãna senija, ãmaburi goje gaye catitĩñare gaye ãnare iogũ yigũja yũ. Waja manoti iogũ yigũja yũ. ⁷ No ãna ñeñaro yirise jidicãrã ãna ñama rũmũa ãjũre rãtocũrã. Ito bajiro ãna yijare quenarise ãnare ãsigũ yigũja yũ. ãna Ujũ ñagũ yigũja yũ. Ito yicõri yũ rãajũa ñarã yirãji ãna. ⁸ Gãjerã yũre tũorãnumenareama jea ãjũritajũ azufre wame cãtirisena ãjũritajũ ãnare cõagũ yigũja yũ. “Jesure yũ cãdija ticõri, yũre ti tudirã yirãji gãjerã”, yi tũoã gãirãre cãni jea ãjũritajũ cõagũ yigũja yũ. Ñeñaro yirã, sãari masa, romia rãca ajeri masa, gãjerãre rojarã, ãna meni rujeorũre rãcãbũorã, ito yicõri socari masa ñarocõreti jea ãjũritajũ ãnare cõagũ yigũja yũ. Itira azufre wame cãtirisena ãjũa itira. Itirajũ ña godasarada, yiquĩ ãjũ ya cumuro rujigũ, yũ cãirojũ.

Mama cãto Jerusalén wame cãtiri cãto

⁹ Ito yija bero ángel sãgũ wadicõri yũ tũ eja rũjũquĩ. ã ñaquĩ jũa ãmojeno ñagũ masa ãna tõbũjatoni ñarise tãro rãcogorũ. Ado bajiro yũre gotiquĩ ã:

—Ado waya. Oveja Macũ manajo ñarocore mũre ãorocũ ya yũ, yiquĩ ángel yũre.

¹⁰ Yũ cãirojũ Espiritu Santo yũre ito bajiro ã yija, ado bajiro rãtacũ iti. Gũta yucãri cãrise ãmacãjũ yũre ãmi waquĩ ángel. Ito yũre ãmi ejacõri ñeñarise mani cãto, Jerusalén wame cãtiri cãto yũre ãoquĩ ã. Dios ñarojũna ruji wadira cãto ñacũ iti cãto. ¹¹ Dios ã yorisena busucũ iti cãto. Gũta bũto waja cãtirise robo bajiro busucũ iti cãto. Jaspe wame cãtirise gũta ãoro queno ide totiaro robo bajiro busucũ iti cãto. ¹² Iti cãto tũnima ãna sabiara cãní ãmari

cuní ña gāni biacu. Iti bedo jua gubojeno sojeri, sojeri cuticu. Co soje ruyabeto ángel sīgũ rŭgõquĩ. Israel gāna jua gubojeno buturi gāna wame wãñacu iti sojeriju. ¹³ Ũmacañi ĩ joejea wadiri dŭja ũdia soje, ĩ quedi sãja warojua ũdia soje, warubujua ũdia soje, gaje dŭja warubujua ũdia soje ñacu iti sojeri. ¹⁴ Iti cuní sabia rŭjaraju roca jua gubojeno gũta cũ gāni biañi ña. Iti gũtagārijua Oveja Macu ĩ oca goti ucutoni ĩ cũana wame wãñacu.

¹⁵ Ángel yu rãca basicacu cuto cõiarotigu orona ña meniragu rŭcoquĩ. Sojeri cuní, ña sagāni biare cuníre cuní ĩ cõiarotigu ñacu itigu. ¹⁶ ĩ cõiaja iti cuto eyarise, iti cuto ũmarise, iti cuto yoarise corocõ ñacu. ĩ cõiaja dos mil doscientos kilómetrocõ ñacu yoarise, eyarise, ũmarise cuní. ¹⁷ ña sabiare ángel ĩ cõiaja sesenta y cinco metros ũmarise ñacu. Masa ña cõiaro bajiroti cõiaquĩ ángel cuní.

¹⁸ Jaspe wame cutirise gũtagārina iti cutore sabiañi ña. Orona iti cutore meniñi ña. Ũeri mani ñacõri ěoro ũeri mano robo bajiro ruyucu iti cuto. ¹⁹ ña sabiara cuní roca jua gubojeno gũta ñarisejare, gũta buto waja cutirise itigariju wãñacu. Cajero gaga jaspe wame cutirise wãñacu. Bero gaga zafiro wame cutirise wãñacu. Bero gaga ágata wame cutirise wãñacu. Bero gaga esmeralda wame cutirise wãñacu. ²⁰ Bero gaga ónice wame cutirise wãñacu. Bero gaga cornalina wame cutirise wãñacu. Bero gaga crisólito wame cutirise wãñacu. Bero gaga berilo wame cutirise wãñacu. Bero gaga topacio wame cutirise wãñacu. Bero gaga crisoprasa wame cutirise wãñacu. Bero gaga jacinto wame cutirise wãñacu. Susarica jua

gubojeno ñarica amatista wame cutirise wãñacu.
²¹ Jua gubojeno sojeri perla wame cutirisena meniñi ñna. Co soje ruyabeto coga perlanati iti sojerire meniñi ñna. Iti cuto gudareco ñasarima ñna menira ma orona meniñi ñna. Eoro ide totiaro robo bajiro ruyucu iti.

²² Dios ya wi ti bujabiticu yu iti cutore. Coju ruyabeto mani Uju Diore rucubucã masa. Rëtoro masigã ñajare coju ruyabeto ñre rucubucã ñna. Oveja Macure cuni ito bajiroti rucubucã masa. Ito bajiri coju ruyabeto ñnare rucubucã ñari ñna rucubucã wiroti wire menibisã ñna. ²³ Umacañi ñ asirise, ñami gagu ñ busurise cuni amobea iti cuto. Dios ñ yorisenati busua iti cuto. Ito yicõri Oveja Macu ñ yorisenati busua iti cuto. Ito bajiri umacañi ñ asirise, ñami gagu ñ busurise cuni amobea iti cuto.

²⁴ Dios ñ masoana ñ busurisenati iti cutoju wa ucurã yirãji ñna. Adi sita gãna ujarã ñna rucurise ñasarise ñami wadicõri Diore ñsirã yirãji ñna ñre rucubucã.

²⁵ Umu soje biaya mano yiroja iti cutoju. Iti cutoju ñami mano yiroja. Ito bajiri biaya mano yiroja iti cuto. ²⁶ Co sita gãna ruyabeto ñna rucurise ñasarise ñami wadicõri Diore ñsirã yirãji ñna ñre rucubucã.

²⁷ Ñeñarise rãca sãjamena yirãji iti cutore. Ñeñaro yirã, ruore oca gotirã cuni sãjamena yirãji iti cutore. Oveja Macu ñ ya papera tutiju wame wãñarã riti sãjarã yirãji iti cutore. Iti papera tuti, “Adocõ ñama yu rãca ñatĩñarona”, yire papera wãñacu iti tutiju.

22

¹ Ito yija ángel riaca ueri maniña ñoquĩ yure. Itiya ide catitĩñare gaye ñacu. Ide ruyurisa ñacu itiya. Uju ya cumuro Dios ñ rujiri cumuroju, ito

yicōri Oveja Macu ĩ rujiri cumuroju jode caticu itiya riaca. ² Iti cuto gudareco ñari ma gudarecore ñacu itiya riaca. Riaca juu daja tunima catitĩñare gaye rica cutiri yucari ñacu. Sigũ ũmacañi ruyabeto rica cutisoticu iti yucari. Ito bajiri co rodo juu gubojenojiri rica caticu iti yucari. Iti jũrina masa ĩna uco yiroti ñacu. ³ Itoju ñeñarise manoja. Iti cutoju uju ya cumuro Dios ĩ rujiri cumuro ñaroja. Ito yicōri Oveja Macu ya cumuro cuni ñaroja. ĩnare moa ĩsiri masa ĩnare rucubuoitĩñasotirã yirãji. Itoju ñeñarise manoja. ⁴ Diore ti canamũorã yirãji ĩna. Ito yicōri Dios wame ĩna ya rioweca wãñaro yiroja ĩnare. ⁵ Itoju ñami mano yiroja. Iti cuto ñarã sĩabusuore gaye ãmomena yirãji. Mani Uju Dios ĩ yorisena busu ñaro yiroja iti cutore. Ito bajiri ũmacañi asirise ãmomena yirãji ĩna. Ito yicōri Dios rãca rotitĩñarã yirãji ĩna.

Jesucristo ĩ ejaroto yoabea ũja, yire gaye

⁶ Ito yija bero ado bajiro gotiquĩ ángel yure:

—Jeyaro mu cãiroju mu tigore, mu tuogore cuni riti ña. Ito bajiri, “Riti bajiro yiroja iti”, mu yi masija quena. Mani Uju Dios ĩ ñami ĩre goti ĩsiri masare ĩna busi masiroca yigu. ĩti ñami yure cõaru. “Ado bajiro rẽtaro yiroja”, ĩre moa ĩsiri masa ĩna yi masitoni, yure cõaquĩ Dios, yiquĩ ángel yu cãiroju.

⁷ Gaje ado bajiro gotiquĩ ángel yure:

—Tũoya, ado bajiro gotiami Jesús: “Yoari mejeti tũdi ejagu yiguja yu”, yi gotiami Jesús. Ito bajiri, no adi papera tuti Dios ĩ ucare tuorãnurã wanu quenarã yirãji ĩna, yiquĩ ángel yure.

⁸ Y_u Juan itire ticōri, itire t_uocōri y_u ucare ña. Itire ticōri, itire t_uocōri ángel y_ure ñocac_u riojo rijo-munigāna ñini r_uj_uc_u y_u. ⁹ Ito bajiro y_u yijare, ado bajiro yiquĩ ĩ y_ure:

—Yibesa itire. M_u robo bajiroti Diore moa ĩsig_u ña y_u c_uni. M_u ñarã Dios ocare goti rētoburã, ĩto yicōri no adi papera tuti ucare t_uor_un_urã robo bajig_uti ña y_u c_uni. Ito bajiri y_ure r_uc_ub_uobesa. Dioj_uare m_u r_uc_ub_uoja quena, yiquĩ ángel y_ure.

¹⁰ Gaje ado bajiro y_ure gotiquĩ ĩ:

—Iti papera tutij_u, ĩja rētaroti gaye ucare ña. Dios oca ña ĩti. Yoari mejeti ĩti gaye rētaro yiroja. Ito bajiri ĩti ocare yeyo r_uc_ub_uobesa. ¹¹ Ñeñarise yisotirãma ñeñarise ti y_i ñacōajaro ĩnama. Ñeñaro t_uoĩarã ĩna t_uoĩaro bajiroti t_uoĩa ñacōajaro ĩna. Queno yirãma queno y_i ñacōajaro. Ito yicōri Diore t_uor_un_urã c_uni Diore riti t_uor_un_utĩñajaro. ĩre ĩna t_uor_un_u ñacōaja quena, yiquĩ ángel y_ure.

¹² —T_uoya, ado bajiro gotiami Jesús: “Riti gotia y_u, yoari mejeti t_udi ejag_u yig_uja y_u. T_udi ejacōri masa ĩna y_iado bajiroti ĩnare waja yic_uja y_u. ¹³ Y_u ña ñas_uog_u, ĩto yicōri ñas_usag_u. Y_una s_uoriti jeyaro ñas_uoyija. Ito yicōri y_una s_uoriti jeyaro ñas_usaro yiroja. A wame ñas_uorise, ĩto yicōri Z wame ñas_usarise robo bajig_u ña y_u”, y_i gotiami Jesús, yiquĩ ángel y_ure.

¹⁴ “No ĩna ñeñaro yirisere coe rotigoana yutabuju _ueri mano robo bajiro bajirã ñama ĩna. ĩna riti ĩti c_uto sojere sãjarã yirãji ĩna. Itoj_u ejacōri yuc_u catitĩñare rica barã yirãji ĩna. Ito bajiri wan_urã yirãji ĩna. ¹⁵ Adocō jãjarã ñama ĩti c_uto sãjado mana. Diore jidicãna, gãjerãre rojarã, romia

rãca aje ñarã, sñari masa, ñna meni rujeoanare rñcũbũorã, ito yicõri rñosotirã cñni ñna ñama iti cutore sãjado mana”, yi gotiami Jesús, yiquĩ ángel yũre.

¹⁶ Gaje Jesús gotirise gotigũ, ado bajiro gotiquĩ ángel:

—“Yũre tũorũnrãre iti oca ñ gotitoni ángel cõacu yũ. David ñjũ ñayorũre rujeorũ ña yũ. Ito bajibojarocati ñ janerãbatia janamiti ña yũ. Busuri ñocõagã bũto yogũ ñti ña yũ”, yi gotiami Jesús, yiquĩ ángel yũre.

¹⁷ Espíritu Santo, ito yicõri Oveja Macũ manoyo cñni coro bajiroti bñsiama ñna:

—Mũcana tũdi waya, yama ñna Jesure.

No itire tũo bũjarãti, ñna bajiroti:

—Tũdi waya, yija quena Jesure.

No ide catitĩñare gaye idi ãmorã, Dios tũ idirã waya. Waja manoti mũare iogũ yiguĩji ñ.

¹⁸ No adi papera tuti Dios ocare tirãre ado bajiro mũare goti quenoa yũ: No adi papera tutire uca remogũre adi tuti iti gotiro bajiroti ñeñaro ñ tõbũjaroca yigũ yiguĩji Dios ñocũre. ¹⁹ No adi papera tuti Dios ocare ñna jidicãja, ito bajiroti ñnare cñni jidicãgũ yiguĩji Dios. Ito bajiri ñ ya papera tutijũ ñna wame ruyubeto yiroja. Ito yicõri ñ ya cuto ñeñarise mani cuto sãja rotibicũ yiguĩji ñ ñnare. Ito bajiri yucũ catitĩñare rica adi tutijũ yũ uca wõre gaye bamena yirãji ñna.

²⁰ Adi gaye yũre goti rẽtabugũ ado bajiro gotiami yũre:

—Yoari mejeti wadicũja yũ, yami ñ.

—Ito bajiroti ãmoa yũ cñni. Yoari mejeti tũdi wadiya yũ ðjũ mũ, ya yũ Jesure.

21 Mani Uju Jesucristo mani jeyarore queno yijaro. Itocõ ña.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 21 Feb 2024 from source files
dated 29 Jan 2022
2581ee54-739f-5595-8d44-83c638ed667b